

734041B

32,4/2



DISSERTATIO MEDICA
DE AQUIS
MINERALIBUS

IISQUE SALUBERRIMIS

Tam ad conservandam quàm restauran-
dam valetudinem

FONTIS MARIMONTENSIS,

Qui ibidem juxta Castrum Regium in Han-
noniæ Comitatu copiosè scaturit.

QUA UT PROLUSIONE

Post multimoda & accuratissima
experimenta

PHYSICO-CHYMICA

*Aquarum illarum natura, qualitates, effi-
cacia, & virtutes medicæ simulque de-
bitus iisdem utendi ad salutem modus di-
lucidè exponuntur.*

AUCTORE

HENRICO JOSEPH. REGA

In Universitate Lovaniensi Medicinæ Do-
ctore & Professore Primario, Serenissi-
mæ PRINCIPIS ARCHIDUCIS Belgii Au-
striaci GUBERNATRICIS Consiliario &
Archiatro,

JDe  *e Heij*
LOVANI,

Typis MARTINI VAN OVERBEKE
prope Academiam. 1740.

Cum Privilegio & Approbatione.

ADAMS DISTRICT

1894

WILLIAM

ADAMS DISTRICT

ADAMS DISTRICT

ADAMS DISTRICT

ADAMS DISTRICT

ADAMS DISTRICT

ADAMS DISTRICT

ADAMS DISTRICT

ADAMS DISTRICT

ADAMS DISTRICT

ADAMS DISTRICT

ADAMS DISTRICT

ADAMS DISTRICT

ADAMS DISTRICT

ADAMS DISTRICT

ADAMS DISTRICT



P R I V I L E G E.

SA Majesté à la deliberation de la Serenissime Archiduchesse d'Autriche, Gouvernante generale des Pays Bas a permis, comme Elle permet par cette à *Martini Van Overbeke* Imprimeur à Louvain, qu'il pourra, à l'exclusion de tous autres Imprimeurs & Libraires, imprimer & distribuer luy seul le Livre intitulé *Dissertatio Medica de Aquis Mineralibus iisque saluberrimis tam ad conservandam quam restaurandam valetudinem Fontis Marimontensis qui ibidem juxta Castrum Regium in Hannoniæ Comitatu copiosè scaturit. Qua quidem prolusione post multimoda & accuratissima experimenta Physico-Chymica aquarum illarum natura, qualitates, efficacia, & virtutes Medicæ, simulque debitus iisdem utendi ad salutem modus dilucidè exponitur, Auctore H. J. R. Lovanii Typis Martini Van Overbeke prope Academiam* 1740. defendant à tous autres Imprimeurs & Libraires d'imprimer ou de contrefaire le dit Livre en entier ou en partie, ou ailleurs imprimé porter, vendre ou distribuer en ce 'Pays à peine de confiscation des Exemplaires & d'une amende de trente florins pour chaque à charge de celui qui y aura contrevenu. Fait à Bruxelles le 20. Decembre 1740. été signé *Steenh. vt.*

Et plus bas *F. Misson.*

S E R E N I S S I M Æ
M A R I Æ
E L I S A B E T H Æ
P R I N C I P I R E G I Æ
H U N G A R I Æ , B O H E M I Æ &c.
A R C H I D U C I A U S T R I Æ
D U C I B U R G U N D I Æ
B R A B A N T I Æ &c.
G E L D R I Æ , L U X E M B U R G I , &c.
C O M I T I F L A N D R I Æ ,
H A N N O N I Æ , N A M U R C I , &c.
B E L G I I A U S T R I A C I
S U P R Æ M Æ
G U B E R N A T R I C I
&c. &c.

SERENISSIMA PRINCEPS



Uod ad Sacros Archi-Ducalis Serenitatis Tuæ pedes humillimè provolutus affero offeroque, si, profectum licet ab animo longè gratissimo, spectetur quàm meum, nimis profectò levigense est, ac minimè dignum ut *Augustissimo Nomini* *Tuo* nuncupetur.

DEDICATIO.

Ast , si quà Tuum est ,
consideretur , nemo opinor
erit , qui non ultra concess-
rit , me illud alteri cuipiam
offerre sine piaculo non po-
tuisse. Quid enim ? An non
Tuum est totum ? Nimi-
rum ex illo Benignitatis &
misericordiæ Tuæ fonte ,
qui tot egentium & mise-
rabilium hominum fortu-
nam vitamque quotidie irri-
gat & recreat , etiam pro-
fluxit & scaturit fons hic Ma-
riæ-Montanus in solamen
pauperum præcipuè , afflicto-
rumque Belgii nostri Austria-
ci civium , Tua pietate refe-
ratus & apertus. Gratiofo
siquidem Serenitatis Tuæ
mandato Fontis Marimon-

DEDICATIO.

tenfis Aquas unà cum Clarissimis Collegis meis libravi & examinaui, in quo si quid profuerimus, sique ego in hac indè deducta Dissertatione quidquam profuero Tibi id uni *Serenissima Princeps* maximè acceptum referri oportebit, cujus authoritate omnia gesta conscriptaque sunt.

Ne tamen quis (sed quis ille) eorum qui Te non norunt forsitan suspicetur assentationi aut nimix reverentiæ datum hîc esse aliquid, palam Te ipsa etiam coram protestor nihil, nisi quod ex animi sententia verum existimo in hac quasi prolusione à me allegatum esse. Incom-

DEDICATIO.

parabilem quidem illam nec
umquam satis deprædican-
dam clementiam, cujus ra-
diis Serenitas Tua, dum haud
pridem hunc hominem ho-
norifico Consilarii & Archia-
tri sui titulo illustravit, im-
merentem me quoque fovere
dignata fuit, cæterasque exi-
mias dotes ac virtutes Tuas
omni laude nostra superiores
religioso silentio semper ve-
nerabor; sed absit ut illi vel
ulli earum aliquo falsitatis
adulationisve Thure litare
præsumam.

Hoc unicum supplex ro-
go, ut Serenitas Tua hunc
qualemcumque ingenii mei
foetum, jussu Tuo concep-
tum, Patriæ publico bono

DEDICATIO.

editum , summæ observan-
tiæ , gratitudinis , devotio-
nis ac submissionis meæ te-
stem obsidemque clementi ac
Sereno vultu accipere non
dedignetur.

Serenissima Domina Princeps

ARCHIDUCALIS

Serenitatis Tuæ

Humillimus Servus, & Client
HENRICUS JOSEPH. REGA



PRÆFATIO.



Admirabili Deus providentiâ non tantum fecit ex uno omne genus hominum inhabitare super universam faciem terræ, definiens statuta tempora & terminos habitationis eorum; verum infinitâ pariter clementiâ, quâ omnia administrat, saluti temporali hominum prospexit, ut pro varietate soli & climatum ubicumque locorum propria tam alimenta quàm remedia enascerentur, illa quidem ad vitam sustentandam, hæc autem ad incurrentes morbos profligandos.

4 P R Æ F A T I O.

Ad ipsa certè bruta se benignitas Creatoris extendit. Unde enim diversarum procul regionum tam diversa sunt animalia ? Scilicet non omnis fert omnia tellus, non omnia singulis sunt apta alimenta, non eâdem vesci quæcumque possunt aurâ. An non multis passeribus meliores sumus nos ?

Planè liberaliùs nobiscum egit Deus, quibus non usque adeò circumscriptus est habitandi locus : verumtamen quàm se multis morbis exponunt quos Πλεονεξία infinitatem omnem peregrinari impellit ? ubi graviùs affliguntur & tristiùs curantur, remeântesque solo patriæ aëre sæpe refo-cillantur ? Adeò verum est nativa cujuscumque regionis remedia potiora esse peregre adveçtis.

Itaque audens contendo (esto multis fore paradoxa) tantam esse cuilibet regioni habitabili

medicamentorum αὐθάριαν, ut longævæ vitæ fovendæ & conservandæ non sit necesse aliunde magno sumtu arcessita medicamina opitulari.

Proinde malè contrerraneorum & civium suorum salutis consulerè & opimis patriæ bonis detrahere, qui indigenis remediis posthabitis non alia æstimant & adhibent quàm quæ sub alio fidere colliguntur, ceu locorum distantia quæ pretium, pariter & vim medendi augeret.

Ne autem exemplorum enumeratione longiùs ab instituto evagans deviem, plantarum contemplatio sola, quæ suis singulis regionibus ita propriæ enascuntur, ut aliò translatae protinus vi naturali destitutæ marcescant & evanidæ pereant, copiosè sufficiat, ut demonstretur indigenas patriæ nostræ plantas tam ad averruncandum quàm sanandum

6 P R Æ F A T I O.

morbos non minori efficaciâ præditas esse, quàm ab extraneis terris huc aportata medicamina. Quin insuper addo nostratia magis expeditè, tutiùs, &, si ita loqui de ægrotis liceat, jucundiùs mederi.

Hæc igitur attendens in animum inducere nequeo patriæ nostræ clima; inter cetera quæ alibi celebrantur remedia, exfors esse beneficii aquarum mineralium, quarum usu conterranei nostri uberiùs obtineant quidquid procul domo, post asperas viarum fationes, consequi desiderant.

Observavi porro inter innumera quæ sunt scientiæ Medicæ remedia, pauca omnino esse quæ comparari valeant aquis Mineralibus, usque adeò penetrans est illarum virtus, ut inveterati & pertinacissimi morbi per eas penitus eradicentur: præterquam quòd facilitate multâ & delectatione

etiam earum usu ægroti receptis viribus convalescant.

Agnoscamus grato animo Dei dona; quorum illustre specimen expono fontem ferrugineum Castro Regio Marimontensi planè vicinum, quem præstantissimâ virtute medicâ ditatum non alteri ulli ejusdem generis, qualium apud exteros multa est famigeratio, cedere affirmo; operoso quippe examine convictus illum nulli esse secundum.

Ab omni quidem ille hominum memoria accolis notus & salutaris profuit, neque iis tantum; sed ad longinqua etiam manavit transvectione potanda illius aqua, præsentaneum pluribus morbis remedium; adeo ut *Spadana* aquæ nomen inditum illi fuerit. Existimarent forsitan creduli incolæ fontem Spadæ derivatione occultâ in Hannoniam ad usque Marimontium profluere, prout veteribus

3 P R Æ F A T I O.

vulgatum fuit , Alpheum Elidis
amnem occultas egisse vias subter
mare qui nunc ore , Arethusa , tuô
Siculis confunditur undis.

Cum nemo nesciat rerum præ-
stantissimarum frequentes esse
abusus , præcipuè dum methodus
rectè iis utendi ignoratur (quod
in materia medicinæ maximè eve-
nit) ubi nec eruditi cujusquam
prudentiâ aut consiliô praxis di-
rigitur ; interimque pro lubitu
quisque idiota sibi medicus est ,
sine personarum , ætatis , tempe-
statis anni & hujusmodi similium
discrimine , neglectus sciendi pes-
sumdat utilitatem , quo factum
est ut etiam periti minùs solliciti
fuerint , aquarum Marimonten-
sium indolem & naturam accura-
tiùs examinare : ita velut in De-
mocriti puteo latuit hætenus
eruenda veritas quæ illarum in-
tegras vires detegeret.

Et forsan lateret etiamnum

multis posterorum seculis, magno publicæ salutis detrimento, nisi occasio planè disparata, ut sæpe fit, aditum expoliendæ rei inventæ applanasset.

Profecta nempe Mariæmontium Serenissima Princeps Belgii Gubernatrix eademque Augustissimi Cæsaris gloriosissimæ memoriæ Soror, ut animum curis obrutum laxaret, earumque pondere fatiscens corpus ibidem saluberrimo aëre refocillaret, inaudiit vicinum castro suo salire fontem, nec illum vulgaris & dumtaxat potûs innoxii; sed ita liberaliter medicantis, ut nec obstinatissimi morbi potentiæ ejus resistent, sed tamquam miraculo fugati incolumes dimittat homines aliquot ejus haustibus recreatos.

Hinc prudentissima optimaque Princeps, ne quid præcipitanter ageretur, mandatum dedit, ut institutâ harum aquarum analysi,

in earum utilitatem auctiori cum
inquireretur.

Proinde Excellentissimus Comes *De Harrach*, magnus Aulæ Præfectus, & ipse amator omnigenæque scientiæ fautor, Principis desiderio obsequentissimus, honorificis litteris mandavit Facultati Medicæ Universitatis Lovaniensis, ut è gremio suo mitteret Clarissimum *De Villers* & Excellentissimum *Sassenus*, Doctorem in Jure & institutionum nostrarum hunc Licentiatum & operationum Chymiciæ Professore, meque etiam ut ternio esset, illico Marimontium simul profecturos, fortis nempe ibidem mineralis naturam, indolem, qualitates, viresque medicinales expensuros.

Tam placita jussa non minus studiosè quàm alacriter & expeditè perfecimus, reduceſque Bruxellam nostrum super his aquis judicium Excellentissimo Aulæ Præ-

fecto depromptimus, factâ totius
examinis declaratione.

Hæc conatum nostrorum ex-
positio quantumvis, ut speramus,
placuerit, non tamen mandati
executionem satis hanc esse cen-
suit vir Excellentissimus, qui sci-
licet omnia quorum satagit, aut
quæ sub ejus cura geruntur, ad
amussim exacta fieri postulat, nisi
ideam nostram scripto typis evul-
gato latiùs explanaremus, & re-
censendo facta experimenta simul
colligeremus quid à viribus hujus
fontis mineralis sperandum sit in-
firmis, quibusque speciatim mor-
bis præsens laturus remedium. Pro-
fectò ab officii religione declina-
remus summâ publicum utilitate
fraudantes, nisi protinus ejus nu-
tibus obsequi accingeremur.

Sic prodit enata hæc disserta-
tio, seu potius dixero, breve
specimen tractatûs amplioris pu-
blico, si successus aspiret, evul-

gandi, ubi tranquillius otium labori faverit, & analyfim ulterius numeris omnibus absolutam licuerit instituere : dum interea tempus, quod abscondita indie detegit, salutaris fontis uberiores nos effectus docuerit, pluriumque restauratæ valetudinis certiores fecerit, atque exemplis pariter ditiores.

Ego vero oblatam mihi provinciam scribendæ hujus dissertationis lubentissimè suscepi. Primaria certè ratio fuit, ut desiderio & mandato Serenissimæ Principis parêrem ; quod non potui mihi non esse volupe maximum.

Opportunè accessit altera : nempe aquas genuinè minerales plurimum semper ut foterias æstimavi, & tamquam Herculeum remedium ad expugnandum morbos vel contumacissimos, scilicet adhibitis pariter remediis secundum artem præscriptis. Sane

mihi non leviter tanti fiunt, neque enim contemplativâ tantum notitiâ, ceu per consequentiam, collegi quæ sit earum natura virtusque medicinalis; sed quod caput rei est, salutarem usum plus annis 25. manifestè expertus, restitutam multis ægris valetudine aquarum hujusmodi beneficio.

Quod nunc propalam evulgare opportunum est, dum mihi ipsi gratulor favorabilem nactò occasionem scribendæ hujus dissertationis: ne quis enim putet me desiderio Serenissimæ Principis blandiri, aut honorem quò me dignata est, exaggerando fontis sui virtutem ampliare, aut in hac materia non satis versatum novum aliquod comminisci: profiteor, studiorum nam meorum probè conscius, me dudum antehac progressum ultra metas tirocinii in aquarum mineralium examine & analysi profecisse, quas peni-

tus cognoscendi singularis m
hactenus cupido incessit , ita u
impensus labor jucundissimus m
hi semper fuerit.

Sic ab annis jam retro duodecim fervente æstate relaxando animi causâ cum amico medico Bruxellenfi , nunc τῷ μαχαρίτη voluptuaria ambulatione instituenda consensi , ita tamen professionis nostræ memores nihil eorum quæ observatu digni viderentur intercidere pateremur.

A *Namurco* statuimus iter ordinis defluentes secundo flumine Mo inter amœnissimos utrimque prospectus. Ita provecti *Huum* devenimus , ibidemque demorati celebres recens aquas studiosâ analy confideravimus : inde *Leodin* appulsi illas quas fontis calidi (vulgo *Chaud-fontaine*) nuncupant : tum & *Spadanas* & *Aqu granenses* ; eas demum quæ apud *Tungros* è fonte ferruginei sap

P R Æ F A T I O. 15

manant, omnes autem æquali
tentione ponderavimus.

Exinde hujus generis experi-
enta multipliciter domi edoctus,
nseo non abs re me facere;
d uti jure mihi acquisito, dum
aquis Mineralibus, quas toties
peroso tentamine exploravi,
blicè edissero. Si enim cujus-
s boni civis officium est publi-
patriæ bono consulere, quanto
agis Medici? cui proprium mu-
us est non solùm contrerraneo-
m suorum, sed omnium, quan-
m licet, hominum prosperam
letudinem tueri, adversæ opi-
lari, adeò ut avaritia scientiæ
medico, penè dixero, sit ca-
talis, quæ in ceteris vix aliam
æter ignominiosi livoris notam
bit.

Faxit Deus Medicinæ auctor,
t si recta mihi intentio favorem
us & successum mereatur, fon-
s Marimontensis in hac opella

16 P R Æ F A T I O.

commendatio publicæ sit salu
 adjumento , tam nostratium quàm
 advenarum , nec obtundamur an
 pliùs parodiâ hujus dicti : *nun*
quid non meliores sunt Aban
& Pharphar fluvii Damasci or
nibus aquis Israël ? Ubi pateb
 aquarum Mariæ-Montensium u
 è morbis recreatos gratiarum De
 actionem exhibere , ad cujus gl
 riam nominis hæc sum conatus





CAPUT PRIMUM.

*e loco ubi situs est hic Fons Mineralis,
ac ei vicinis Oppidis Pagisque.*

Fons de quo hîc agitur mineralis exoritur in Hannoniæ Comitatu propè Castrum Regium, quod *Maria-Montes* seu *Mari-ontium* vocatur. Hoc nomen ei à suo-ecit *Maria Regina Hungariae* Belgii Gubernatrix, quæ illud construi iussit anno 1548. ac Montis nomen addidit propter sitûs eminentiam.

Hæc porrò Regia combusta fuit & in cineres redacta jussu *Henrici II. Gallicarum Regis* anno 1554. Restaurata erò deinceps fuit ac non minore splendore resurrexit munificentia Principum Belgii ac Gubernatorum; ut patet ex hac inscriptione quæ legitur in ipso Castro.

*Maria Hungaria Regina erexit.
Isabella Clara Eugenia ampliavit.*

*Maximilianus Emmanuël U. B. D. Ele
tor,*

*Dirutam restituit, & in hanc formam
redegit*

Anno M. D. C. XCIX.

Superbo huic ædificio pientissima
Belgii Gubernatrix *Maria Elisabetha*
Archidux adiecit novum ornamentum
Sacellum scilicet, secundum regula
hodiernæ Architecturæ pulcherrimum

Situm est hoc Castrum Regium lo
co non amæno minùs quàm salubr
cultissimis hortis & fontibus limpidi
simis ornatum. Cingitur verò totum
penè Castrum viridario seu nemore fa
gis præcipuè confito. Omnis illic vi
cina plaga abundat quovis genere præ
dæ venatitiæ.

Inter *Marimontium* & *Montes Me
tropolim* totius *Hannoniæ*, (quæ urb
Castro Occidentalis est) patens est
campus, qui licet montibus hinc in
de & collibus sit asper, multisque va
rii generis silvestribus plantationibu
confitus, non tamen impedit liberiori
aëris salubrem corporibus afflatum. Di
stat autem Castrum ab urbe *Monten
tribus* & semi leucis.

Marimontium versùs Septentrionem
aut *Cæciam* spectat *Nivellas*, unde di
stat duabus & semi leucis.

Sunt huic Castro vicina oppida & agi; è quibus commodè transvehi possunt quæcumque sunt hominum sui, & speciatim victui necessaria.

Non est vicinius Marimontio oppidulum quàm *Binchium*, situm versùs Africum; distatque à Marimontio grandioris leticæ intervallo. Parvum illud quidem sed vetus & amœnum, laudet soli fertilitate, aëre salubri & cujusvis venatûs copiâ.

Oppidulum hoc opportunè subseriet excipiendis advenis, quibus præstentur aquæ ex ipsa scaturigine bibendæ; donec & usque dum Marimontii structæ fuerint ædes Hospitalis commodæ.

Quin & modò sunt illic idonea hospitia, omnigenique pecoris abundè, vinum optimum comparatu facile, panis & delicias, quas auget cujuscumque venatûs opima præda: atque hæc omnia gratiora facit incolarum urbanitas & quævis obsequia paratissimorum. Anè modica etiam à fonte distantia salubre addet exercitium summo mane ad fontem profecturis, quò pervenient congruo tempore, dein ad prandium provocatâ orexi redituri. Haud secus faciunt qui *Spada* tempore æstivo commorantur indies fontem *Geronsterii* ad-

euntes; nec delicatarum etiam cohors de viæ longitudine queritur, dum itaque reditque viam toties.

Tendentibus ad Orientem obviam occurrat *Episcopo-Fontana*, quæ idiomaticè regionis *Fontaine-l'Evêque* nuncupatur: quod oppidulum, ait *Guicciardinus*, „fatis lautum est in finibus Hannoniæ, „quâ terram Leodiensem tangit., „Fontana à Castro diffidet sesquihorâ itineris, distatque à *Sabi* flumine milliari ut summum mediocri.

Ab eodem fluvio celebri & pisculento separatur Marimontium itinere duarum leucarum; ab Abbatiis verò *Lobienfi* & *Alnensi* duarum & dimidia.

Distat ab Abbazia *Bonæ Spei* Ordinis Præmonstratensis duabus circiter leucis.

In parte Occidentali eminus conspicitur *Rodium* seu *Rhetia* distans leucâ & semi à sæpe dicto Castro Regio.

Quartâ autem tantum leucæ parte pagus *Morlanwetz* versùs Orientem seu potius Euxinum situs in via quâ itur Episcopo-Fontanam.

Haine Saint Pierre alter pagus ultra rivum *Hainam* situs, vix distat leucâ dimidiâ.

Ex prænotatis urbibus & pagis proximioribus commodè adduci possunt

uæcumque ad victum spectant. Nec
difficile admodum erit in hisce ipsis pa-
tis invenire hospitia, in quibus lautè
abeantur interdiu, & noctu commodè
quiescant potores.

Ut Lectori amplior sit notitia de situ
hujus fontis lubet etiam aliquot alio-
rum locorum distantiam hîc addere.

Carolo-Regium dissitum est tribus
leucis.

Pagus *Gosselies* quem dividit via stra-
ta, quæ est *Bruxellas* inter & *Carolo-
Regium* sejungitur à *Marimontio* dua-
bus leucis.

Genapia vicus, olim oppidum Castro
quo celebre, distat æqualiter; quinque
scilicet *Bruxellis*, *Carolo-Regio*, & *Ma-
rimontio*.

Unde *Sonegia* viam stratam excipiens
quâ Montibus *Bruxellas* tenditur tri-
bus leucis sejungitur.

CAPUT II.

*Proponitur Aquarum Fontis Marimon-
tensis per varia experimenta Physico-
Chymica Analysis facta à Clar. D. D.
Villers, & Expertissimo D. Saffieu
& Auctore.*

Die Jovis 4. Augusti 1740. circa
medium sextæ post meridiem fo-
liciter advenimus *Maria-montes*, ac fin-
tima nos contulimus ad fontem quæ
indigenæ loci *Spadanum* nuncupant a
omni retro memoria celebrem.

§. I. Hujus fontis scaturigo con-
spicua est in prato adjacetque radicibus
montis, à quo protegitur contra fr-
igus Aquilonis. Hocce pratum ita e-
viridario Castri conterminum, ut ne-
mus à fonte tantum separet via reg-
quâ *Binchio* itur *Nivellas*.

Fons viridarium spectat in parte Au-
strali; ipsam porro arcem Regiam i-
latere Orientali : via autem utrimque
compendiosa est quam septem hor-
minutis facile est emetiri,

2. Hic fons positâ libellâ in superf-
cie suæ scaturiginis largitur centum &
triginta vasa, sive septingentos & octo-
ginta pedes cubicos aquæ suæ in singu-

las horas : computato pedis cubici volumine ad sexdecim pocula , quorum mensura capax est quatuor circiter librarum Medicarum

3. Exonerat verò sese in parvulum quemdam rivulum distantem aliquot ab ejus scaturigine passibus , ac in decursu transituque suo ubique & potissimum in lapidibus , quos alluit adhærentem materiam deponit flaventem ad instar ochræ aut rubricæ , cum in pulverem rediguntur.

In fundo , inquam , quo ejus aqua promanat , manifesta sui relinquit vestigia , quantitatem scilicet notabilem substantiæ cujusdam flavæ , luteæ , porris & meatibus plenæ , utique spongiosæ.

4. Aqua hæc limpidissima est aspectuque jucunda , recens è fonte hausta odorem spargit volatilem sulphureum , talisque pene nidoris qualem emittunt ova putrescentia , Odor hic porrò velocissimè fugax esse percipitur , paulatim namque ita minuitur ut tandem evanescat.

5. Sapore linguam afficit non absimili , ac præterea ferrugineo ac leviter adstringente : continuusque perdurat eodem sapor & potissimum levis adstrictionis.

Si autem hæc aqua vigoris sui adhuc plena bibitur, ructusque suscitet, postquam aliquamdiu etiam epota est, ructus illi eundem referunt odorem & saporem.

6. Si Aquæ *Maria-Montensi* admisceatur pulvis Nucum Gallarum colorem mox induit purpureum, eumque planè fuscum, qui eo magis intenditur, quo diutius in ea relinquitur pulvis commixtus.

Si effundatur sic tinctoria, ut dictum est, eidemque vitro nova è fonte infundatur aqua, remanentibus in fundo Nucibus Gallis: hæc eadem colorem protinus acquirit & quidem magis intensum quàm erat illius quæ fuit effusa.

Quin imo si aqua omnis cum ipso pulvere Gallarum effundatur, & eodem vitro nova recipiatur, prorsus hæc quoque tingitur colore pulchrè purpureo transparente à solis ramentis quibusdam vitro adhærentibus. Quid? Quod vitrum ipsum appareat colore purpureo pertinaciùs imbutum.

7. A foliis quercus contritis & injectis idem inducitur color.

8. Nec chartæ cæruleæ nec dissolutioni Heliotropii ullam notam imprimat neque colorem ejus immutat.

9. Syrupo violarum aliquantam viridinem affert; sed dumtaxat postquam aliquo tempore facta est horum permissio.

10. Hæc aqua ab affusione aquæ Fortis, in qua argentum purissimum est dissolutum, statim turbatur, & cinereo colore propemodum rubido inficitur, ac tandem omninò redditur opaca & planè fusca.

11. Sal Tartari in eadem dissolvitur, nullaque mutatio ab hac mixtione fieri percipitur.

Oleum tartari per deliquium affusum isti admiscetur quoque sine alteratione ulla sensibili, apparetque aqua non minùs quàm ante affusionem pellucida, diversi tantummodo saporis est, veluti salis tartari.

A liquore nitri fixi eadem contingunt.

12. Idem quoque observatur fieri à spiritu volatili salis ammoniaci.

13. A saccharo saturni insperso statim albescens lactescit, & post aliquam moram præcipitatur pulvis albicans.

14. Ab affusione salis ammoniaci in aqua dissoluti nulla intervenit mutatio vel coloris vel saporis, quem habet naturalem sal ammoniacum: nec ullum percepimus odorem volatilem.

15. A solutione mercurii sublimati in aqua facta perstat aqua hæc mineralis æquè limpida, nec ulla visa fuit fieri præcipitatio.

16. Ab oleo calcis fit aëreo colore cæruleata.

17. Ab aceto vini destillato, uti à spiritu nitri aut vitrioli neutiquam immutatur.

18. Aqua Fontana translata ad Castrum in lagena aperta & ibidem protinus examinata immutatur quoque à Nuce Gallarum, sed colore longè minùs purpurascete.

19. Aqua verò Fontis, quæ clara die ad castrum translata fuerat in vase amplo æneo aperto, tinge batur tantùm colore naturali Nucum Gallarum.

20. Aqua evaporata ad duas E. Gr. tertias non immutatur amplius ab infuso pulvere Nucis Gallæ.

21. Nec ulla macula inficit chartam cæruleam.

22. Syrupus violarum ab hac aqua viridatur.

23. Acidis injectis non effervesceat.

24. Non præcipitat mercurium sublimatum in aqua communi solutum.

25. Aquæ, in quibus ad fundum delapsum est omne earum sedimentum vel illius solummodo pars, à Nuce Gallarum non tinguntur amplius.

26. Hæc aquâ appensâ in bilance cum Spadana, urimque in pari mensura, ejusdem pariter ambæ ponderis fuerunt: attuleramus autem nobiscum lagenam Spadanæ illius quæ *Pouhonfi* appellatur.

27. Lac cum aqua hac commistum aut etiam coctum non coagulatur.

28. Feces à potu copiosiore aquarum plerumque nigricantes excernuntur.

29. Aqua hæc fontana assumpta ferè semper excernitur per vias urinarias, rarò admodum per alvum.

Illud equidem nobis ita contigit, cum quisque nostrum eodem mane potitasset libras circiter sex septemve.

30. Cum prope Fontem *Marimontensem*, de quo hæctenus egimus, qui larga scaturigine salit, plures alii ejusdem ferè naturæ hinc inde apparerent in vicino solo, verum longè minores, ita & parciore aquâ, in harum originem jussimus inquire, & rimando terram, invenimus effossos lapides metallicos. Nec ullus dubio locus est quin inter *Pyritas* sint collocandi. Si quidem non in iis tantum manifestè conspicua est vena ferri, verum flavis ac splendentibus maculis venisque instar marmoris variegati micant.

31. Elapidibus hisce in calcem deinde in pulverem redactis Magnes attraxit plures particulas ferreas, quæ sicuti pili barbæ densæ ei adhæserunt.

32. Hujus aquæ mensuræ quinquaginta quatuor, quarum singulæ pendunt libras tres cum unciis quatuordecim, in fictilibus vernigine solita illitis post evaporationem præbuerunt sedimenti, seu pulveris subsalsi pallide flaventis drachmas sex.

Notandum hîc impossibile ferè esse ut exactè statuatur colligenda sedimenti quantitas, præsertim dum in vasis argillaceis tamque capacibus fit evaporatio, unde tamen modicâ quantitas colligitur : quandoquidem non aliter fieri possit, quin in hac operatione sedimenti non minima portio tenaciter & indissolutè adhæreat lateribus omnium ejusmodi vasorum, quæ ex figulina prodeunt.

17. Augusti 1740. prima vice convenit mecum Clarissimus *De Viller.* ad ædes Expertissimi *Sassensis* Chymicæ Professoris, simul inchoaturi manere & post meridiem analysim sedimenti relictî post evaporationem aquæ mineralis, quam feceramus *Maria-montibus* insuper & terræ istius flavescentis instar ochræ quam collegimus in rivuli

ios aqua format & proluit à suo fonte
recedens. *Vide §. 3.*

33. Sedimenti hujus drachmæ sex
octæ fuerunt in aqua pura distillata,
que hæc deinde dum sedimento isto
tributa atque per chartam emporeticam
colata fuit; superfuerunt in eadem
charta bibula materiæ cujusdam ter-
restris drachmæ quinque & circiter
rupulus unus.

34. Lixiviâ verò hæc evaporatâ in
vetro vitri remansit sal quoddam sa-
poris paululum amarescentis.

35. Hoc sal etiam microscopio ad-
noto perspectum nullius salis exhibuit
figuram specialem.

36. Aëri libero expositum citò hu-
mectatur ac ferè liquefcit.

37. Hujus salis grana tria absorpse-
runt ac edulcaverunt guttas tres spiri-
tus vitrioli, postquam priùs visæ fue-
runt utriusque particulæ mirùm inter
se luctari, agitari, intumescere & ebul-
lire.

38. Grana itidem tria ejusdem salis
commista cum æquali portione Nitri
minutim divisi posita fuerunt super te-
gulam candentem & nullus perceptus
fuit crepitus.

39. Neque sonus rei detonantis.

40. Nec mistum hoc intumuit.

41. Nec in fluidum eliquescere apparuit.

42. Sed sensim & sensim redactum fuit in massam nigram, quæ velut in cineres versa est.

43. Idem sal decoctum Gallarum paulatim mutavit in liquorem coloris misti ex cineritio & tenui flavo.

44. In vitrum, ex quo facta fuit evaporatio, infusa fuit aqua pura distillata, ut abluerentur quæ firmius adhæserant salis particulæ: hæc porro aqua his salis reliquiis imbuta syrupum Violarum reddidit viridescentem.

Post moram unius noctis viror apparuit magis intensus quàm etiam ille quem sal tartari induxerat eidem syrupo permistum.

45. Effusa eadem aqua super chartam cæruleam non immutavit ejus colorem.

46. Maculam rubram impressam eidem chartæ à spiritu vitrioli post quadrantem horæ delevit ac colorem restituit cæruleum minùs tamen vividum.

47. Solutio mercurii sublimati ab affusione dissoluti istius salis albescit.

Post unum verò alterumve diem observavimus præcipitatum fuisse & subsedisse in fundo crassamentum aliquod albicans.

48. Aqua Fortis in qua dissolutum erat argentum purissimum ab affusione solutionis salis aquæ Marimontensis protinus visa est albescere; postque aliquot horas præcipitatum fuit sedimentum aliquod coloris cineritii. Liquor verò supernatans purpurascebat.

49. Eadem solutio fuit commista spiritui nitri, in quo erat dissolutus Mercurius vivus; & mistura hæc visa fuit albicans, præcipitante sese etiam materia albicante.

50. Dissolutio ejusdem salis ab affusione olei Calcis redditur turbida & cito subsequitur præcipitatio pulveris cineritii coloris: ac unius noctis interpositâ morâ visæ sunt supernatare quasi particulæ oleosæ.

51. Materia quæ superest in charta emporetica post colaturam fit coloris misti ex cinereo & flavo.

52. Ex hac materia sublevavit Magnes sibi adhærentes quasdam particulas instar tenuissimorum capillorum.

53. Ex sedimento quod in lagenis reperitur Magnes attrahit pariter similes aliquas particulas.

54. Sedimentum istud dum per dissolutionem aquæ sale suo exutum imponitur tegulæ candenti, vix ullam immutationem subit; non crepitat.

neque scintillat : at postquam aliquandiu vi ignis expositum fuit ex illo visus est Magnes attollere miculas aliquas ferreas.

55. A distillato aceto vini & huius pulveri terreo (51.) superfuso observatus fuit manifestus conflictus vel effervescentibus & inter se fluctuantibus conspicuis bullulis, idque tempore notabili duravit.

Postquam aliquandiu calori fuera expositum hoc mistum & exinde refrigeratum, & colatus fuit liquor illi supernatans remansit pulvis subtilissimus qui tactu vix percipi potuit.

56. Ex hoc pulvere nihil secum Magnes abstulit

57. Idem pulvis super tegulam candentem depositus, nullo motu agitar visus est persistitque immutatus : quod solum notavimus exile fuit in ejus colore qui videbatur fieri magis cinereus

58. Post hoc admotus Magnes visus est miculas quasdam ferreas attraxisse

59. Granis tribus hujus terræ affusus fuit guttatim spiritus vitrioli, unde protinus lucta quæ ebulliens efferbuit. A quatuor vel quinque guttis affusum factum fuit quasi aliquod coagulum quod postea rursus dissolutum fuit. Post affusionem quindecim guttarum contigi

contigit solummodo saturatio, hoc est nulla amplius inducitur commotio, quantumvis affundatur spiritus vitrioli.

60. Mistum hoc erat gustui insipidum; at odorem penetrantem spiritûs vitrioli aliquantulum adhuc spirabat.

61. Sedimentum hoc (5r.) commistum cum parte æquali Nitri, & positum in tegula candente, neutiquam letonuit.

62. Non crepitavit.

63. Non intumuit.

64. Sed terream inertem reliquit nascentem. Ex qua tamen Magnes unam alteramve elevavit particulam.

Examen Ochrae sive materiae illius flavae, quam aqua deponit a scaturigine decurrens.

65. Flavus Ochrae pulvis positus in tegula candente emittit scintillas, statimque fit rufus ac fuscus.

66. Ab hoc pulvere frigefacto Magnes elevat plures particulas.

67. Ex lixivía unciarum sex ochrae octo in aqua distillata post evaporationem octo remanserunt grana salis, præter id falsi quod vitro firmiter adhaeserat.

68. Hoc porrò sal facile quoque in

aëre liquefcens abit in materiam pinguem ac quafi glutinofam.

69. Eftque faporis falſi fimul naufeofi.

70. Solutio ejufdem grave olet foſtilis inftar expreſſionis millepedum ; quæ integrâ nocte neglecta in vafe non cocturato nullum ferme odorem emittit amplius.

71. Hoc fal in aqua diſſolutum ſæpius colatum per chartam emporicam exhibet colorem lixivix valde ſaturatæ.

72. Sal hoc colorem chartæ cæruleæ non immutat , prout nec maculam rubram eidem impreſſam à ſpiritu vitrioli.

73. Permiſtum cum ſyrupo violæ non inducit ullam mutationem niſi poſt plurimum horarum intervallum apparet color nonnihil viridescens.

74. Solutio falis ochræ affuſa decocto Gallarum recenti & valde tinctoria induxit colorem cineritium : ac paulo poſt viſa fuit materia quædam albicans ad fundum ſubſidere.

75. Hujus falis grana tria in pulverem redacta, & cum æquali portione Nitri quoque in pulverem triti in crucibulum candens projecta detonant.

Aqua Marimontensis Analysis. 35
unt subito cum scintillarum emissio-
e.

76. Spiritus vitrioli affusus huic sali
ullum effervescentiæ aut conflictûs in-
icium præbuit.

Dissenfere tamen quidam experi-
mento præsentis, quibus visum fuit
stud mistum modicè intumescere. Ut-
t fuerit, nullæ sunt observatæ bullæ,
neque ulla spuma visa fuit ascen-
ere.

77. A commistis hisce sparsus est
dor gravis foetidus quasi rei putref-
entis, qualèm exhalant lumbrici ter-
estres exsiccati, dum minutim con-
unduntur.

78. Solutioni Lunæ ubi mista fuit
olutio salis ochræ, cinereus statim pro-
iit color, præcipitataque fuit materia
oloris cinerei seu potius albicantis.

79. Ab affusione spiritus nitri, in
uo dissolutus erat Mercurius, facta est
ræcipitatio materiæ subflavæ.

80. Eadem solutio mista cum oleo
artari per deliquium, post moram unius
octis, produxit sedimentum cinerei
oloris.

81. Eidem solutioni affusum fuit
leum vitrioli & præcipitata fuit ma-
eria flocciformis alba.

Exhibentur experimenta facta cum materia terrea Ochra.

82. In tegula candente posita fuit illa pars ochræ, quæ post lixiviam colatam remanerat in charta emporetica, & mox emisit quasdam scintillas, ac reddita fuit rufa, Magnesque elevavit plures particulas.

83. Eadem materia fuit posita in crucibulo candente ignique exposita spatio duarum horarum, pars, quæ fuerat in fundo crucibuli atque ideo magis in calcem redacta, multas dimisit particulas Magneti adhærentes; sed longè plures adhæserunt ab ea parte sedimenti, quæ summum crucibuli occupavit, ideoque minùs in calcem redacta fuit.

84. Ochra mista cum nitro & in crucibulum candens projecta emittit exiguas scintillas.

85. Huic eidem ochræ suo sale privatae additum fuit oleum Vitrioli aquâ dilutum. Ubi aliquamdiu simul digesta fuerunt in calore moderato, mox sapor sese manifestavit vitriolicus.

Trans colum trajectus liquor colorem *Thée. Boe* & tincturam Gallarum in instanti mutat in nigrum instar atramenti. Idem liquor si evaporetur relinquit Massam tenacem glutinosam; & fuscam.

Recensentur alia quadam deinceps instituta experimenta.

86. Mense Septembri accepi *Maria-Montibus* aliquot pocula aquæ Fontis in lagenis minùs accuratè clausis, ac post plures septimanas apertis lagenis inveni aquam claram & limpidam, quæ nullum odorem contraxerat, gustu primùm videbatur insipida, verùm postmodùm adstrictionis alicujus sensum relinquebat etiam per aliquod temporis spatium.

87. Aqua hæc ab immissione pulveris Nucum Gallarum alium non induit colorem præter illum, quem naturalem & sibi proprium communicant Noces Gallæ.

88. Ab adjuncto syrupo violarum post unum alterumve horæ quadrantem factus fuit viridescens vel subviridis.

89. Aquam hanc in amplo vase vitreo exposui mense Septembri calori solis. Vixque incepit incalescere dum rotinus plures apparuere bullulæ inftar margaritarum aut minimorum globulorum mercurii vivi currentis, quarum aliquæ dispersæ intrà aquam observabantur, plures parietibus laterum adhiæsi, aliæ fundo ejusdem adhæserunt. Post aliquod temporis spatium, calore

pellente, pars maxima in auras evanuit, quæ supererant noctu dissipatæ sunt.

90. Eodem tempore quo aqua incalcescebat ac bullulæ in apricum prodibant, exhibuit sese materia quædam pulverulenta coloris cinerei fluctuans intrâ aquam.

Pulvisculi hi, qui primò dispersi erant, simul tandem coeuntes & coadunati efformârunt quasi flocculos quosdam coloris subflavi; qui postquam aliquandiu fluctuantes innatârunt aquæ, plures sibi tandem impliciti flocculi, varios exhibentes distinctos fioccos, ad fundum delapsi sunt, ac constituerunt sedimentum subflavum.

Ex hoc porrò sedimento exsiccato natus est pulvis aliquis coloris misti ex flavo & rufo, affinis pulveri rubricæ.

91. Pulvis hic positus super tegulam candentem non solùm emisit scintillas, sed plures ejus particulæ accensæ fuerunt, flammamque effuderunt cæruleam odoremque emiserunt sulphuris mineralis accensi.

92. Nullus perceptus fuit crepitus nec tonatio.

93. Nec visus fuit intumescere pulvis.

94. Pulveri huic per pauca minuta in calcem redactò, ac deinde refrige-

rato super eandem tegulam, admotus Magnes attraxit subito plures particulas quæ ei adhæserunt instar pilorum ferreorum.

95. Cùm morantes *Marimontii* non possemus habere pisciculos, ut immitteremus in aquam fontis mineralis, observaturi num in vivis inibi manerent & quamdiu; Experimentum curavimus fieri per aliquem alium qui nobis sequentia scripsit: commendatam experientiam tentavi: pisciculum scilicet in aqua & origine fontis deposui; ubi observavi vegetum illum alibi natatorem dumtaxat perdurasse ad summum septem horæ minutis in hac aqua non sua, priusquam totus deficeret jamjam extinguendus; cui protinus succurri solitæ eum aquæ restituens, unde captus fuerat, in qua opus habuit integro minuto ut liber fieret deliquiô, exinde priori vitæ redditus est.

Notandum hîc est: hoc experimentum fuisse institutum tempore frigido hujus mensis Octobris.

Offero ergo tibi, Humanissime Lector, spectanda experimenta, quæ Collegis meis & mihi subministravit aqua fontis *Marimontensis*, dum quæcumque ejus ingredientia sollicitè examinavimus, ita liceat dicere nec oleum

nec operam nos perdidisse, cum qualiscumque successus non fuerit inanis,

Si quis objiciat, non omnia quæ observavimus in eandem consequentiam conspirare, eò usque ut primo intuitu quædam in contrariam partem videantur pertrahi posse : attendat quàm sincera nobis religio fuerit quo minùs aliquid subtriceremus ; candidè enim exposuimus omnia quæ oculis & sensu percepimus, nec blandiri cuipiam, ut placeremus, nec publico illudere dedecorosè volentes, probè gnari ex omnibus, quæ perspeximus, simul collatis, intimam aquarum istarum indolem tantùm cognosci posse.

Ante omnia igitur fixam nobis legem statuimus, quod muneris nostri ratio exposcit, ut nullum experimentorum speciosa verisimilitudine ornaremus ; procul absit ut mendax ausi simus obtrudere, eaque ratione analogicas conjecturas procul amandavimus, ne dubium aliquod compertæ veritati substitueremus : hinc nudè exponentes ea, quæ facta experimenta oculis & sensibus exhibuerunt, quo Lector quisque etiam sententiam suam promat, lubenter etiam audituri quidquid censuerit de iis, quæ opinioni nostræ contraria judicaverit.

Obvia se hîc offert quæstio: an aquæ laudatæ semper & constanter easdem servant qualitates, an eorum quæ per artis operam ex iis eliciuntur eadem futura sit posthac æqualitas? Hoc sanè quis ausit decidere? Semel dumtaxat salientes ex scaturigine examini subjecimus, multarumque rerum necessariarum penuria obfuit quò minùs desiderio nostro planè fieret satis.

His adde tempestatem totius penè anni enormiter pluvii, suspicionem nobis meritò ingerere alterationis, quam generaliter in omnibus naturæ operibus fructibusque terræ deploramus: & ne quis Spadanas aquas immutationis putet esse immunes, quotidianis ibidem observationibus contrarium poterit edoceri.

Dum itaque sæpius & diversis anni temporibus nobis licuerit aquarum *Marimontensium* Analysim aggredi, tum de earum efficacia, de rebus mineralibus in earum liquido contentis ampliore fiducia certius ratiocinabimur.

CAPUT III.

Ex præmissis experimentis per consequentiam enodantur aquæ qualitates, ipsorumque pariter Mineralium, à quibus gravidantur.

A Qua Fontis *Marimontensis* limpida est, pellucida, purissima, ac levis admodum, aërisque subtilioris quantitate non minimâ graviora.

Solo aspectu opus est, ut priores prænotatæ qualitates ad oculum demonstrarentur.

Levitatem confirmat ejus in lance ponderatio collata cum *Aquis Spadanis*, in libra quoque appensis. §. 26.

Aëris copiam demonstrant bullulæ illæ, quæ elewantur, ubi aqua hæc calori exponitur. Exp. §. 89.

Utcumque aqua hæc limpida & pura appareat, ipsa tamen, ut aquæ ceterorum omnium fontium, intra finem suum reconditas ac sibi interfluctuantes habet particulas solidiusculas. Nec quidquam obstat, quò minùs aquæ limpida ac pellucida contineant ac intra poros suos abditas habeant quasdam particulas solidas summopere attenuatas, dispersas, &c. Modò hæc

ejusque Ingredientium Qualitates. 43
ta sint dispositæ, ut poros non occludant, sed radius concedant liberum transitum.

Quæ aqua igitur *Marimontensis* complectitur corpora visum subterfugiunt nec in apricum prodeunt, nisi ope variorum experimentorum ac tentaminum Physico-Chymicorum.

Variis porro modis ac multifariè procedere solent ii, qui ea, quæ in aquis occulta & recondita latent, indagant curiosius. Ope imprimis diversorum instrumentorum Mechanicorum, ut Anthliæ Pneumaticæ, Cilindri Statici, Aëreometri, Bilancis, Thermometri, Microscopii, Magnetis & similium examinantur aquarum qualitates.

Altera aquarum naturam explorandi ratio est, cum iis vel recens è fonte haustis, vel aliò in lagenis accuratè clausis translatis miscère varia corpora, ut ex alteratione & immutatione, quæ ex hac vel illa mistura observatur contingere, judicari queat de indole aquarum, hæcque ingredientia adesse vel abesse.

Alius aquas explorandi modus est : easdem distillare, ut cujus sit naturæ humidum quod colligitur innotescat, & ut deinceps examinari possit com-

44 *Cap. III. Exponuntur Aquæ*
modiùs quod, omni humido abstracto,
superstes remanet.

Alii hunc ad finem aquas solummodo calore ignis vel solis evaporant.

Aliud aquas examinandi est artificium : nempe aquarum certa quantitas exponitur tempore hyemali frigoribus & aquilonibus ut dure scat & concre scat. Ubi ferè omnis hæc aqua circumgelata est ad sui medium usque; congelata hæc massa perforatur ut effluere possit & colligi materia omnis subtilior aut salina, quæ concentrata in centro hujus glaciæ detinetur. Eadem hæc massa ubi regelatur sponte deponit partes suas crassiores, terrestres &c.

Ad aquarum ingredientia detegendum quàm plurimùm quoque facit examen vel eorum, quæ decurrentes à scaturigine in incilia rivulosve deponunt, vel sedimentorum quæ ad fundum vasorum, in quibus aliquandiu conservata sunt, dimittunt.

Nec inutile est considerare loca, unde derivantur & profluunt fontes; nec non indagare mineralia quæ in circumjectis fontis locis reperiuntur. Tales enim sunt aquæ, qualis est natura terræ per quam fluunt, ut loquitur *Aristoteles*.

Cùm verò non potuerimus hætenus

ejusque Ingredientium Qualitates. 45
prænotata omnia media, quibus aquarum proprietates, ipsorumque pariter corporum à quibus gravidantur, investigantur, in usum ducere, prolusione quadam impræsentiarum de aqua Marimontensi ago : donec tempore opportuno plura concessum fuerit instituere experimenta.

Ex iis verò, quæ potuimus institueret, experimentis Physico-Chymicis deteximus : Soterium hunc fontem manifestè continere particulas ferreas summopere attenuatas, dissolutasque in purissima hac aqua. Ferrugineus id indicat sapor. *Vide Exper.*

Idem confirmat color purpureus ac ulcus, qui promptè inducitur à miscela pulveris Nucum Gallarum. (Exp. .) aut infusione foliorum Quercus. Exp. 7.

Evincit terra illa flava rubricæ instar ut ochræ, quam deponit in rivulum, per quem aqua à fonte defluit. Exp. 3.

”Nullum fontem Medicatum vidimus, ait Celeberrimus D. Hofmannus tractatu de Convenientia Elementorum fol. 131. ”nullas thermas vel acidulas, quæ non circa ora Fontana ochream magis vel minus flavescen-tem massam deposuerint, quæ bene

46 *Caput III. Exponuntur Aquæ*

„elota & calcinata non exhibuerit pul-
 „verem , cuius ramenta Magnet
 „promptè accesserint.,,

Demonstrat denique Magnes , qu
 elevat ex hac ochra nonnihil calcinata
 ferreas particulas ei instar pilorum
 ferreorum adhærentes. Exp.66.82.83

Ochram denique hanc ferro esse di
 vitem evincunt experimenta 65. 78
 85.

Jam autem nemo in dubium facil
 revocabit, quin ochra hæc vere & rea
 liter exstiterit in aqua fontis dum e
 scaturigine sua prorumpit in aëra : it
 tamen ut aëri liberiori jam exposita per
 diderit quod erat ei sociatum corpus
 volatile , particulæque quædam eju
 ab invicem secesserint , ac alia iniverin
 connubia. Sed hac de re postea latitu

Verùm nullus dubio locus relinquo
 tur quin ferreæ particulæ continean
 tur in aqua *Marimontensi* , dum consi
 deratur Magnetem elevare quoque
 particulas quasdam ex sedimento , quod
 aquæ sponte deponunt in lagenis ,
 quibus conservantur , aut vasis in qu
 bus ope caloris externi præcipitatu
 fuit. Vid. Exp. 52. 53. 54. 58. 64. 66. 9

Ferrugineus igitur hic fons non co
 tinet venæ ferri mollioris , seu eni
 ejusdem primi , sed ferri perfecti pa

ejusque Ingredientium Qualitates. 47
culas integrales : illas enim non at-
ollit Magnès. Quidquid à Magnete
evatur ferrum est.

Ferreas in aqua hac contineri parti-
ulas confirmant quoque feces nigræ
quæ à potu ejus excernuntur. Exp. 28.

Ferri quoque latentis indicium præ-
et Exp. 10.

Ferrugineum denique esse fontem
aspicari licet, quòd lapis pyrites cir-
um fontem reperiatur.

Docet nos quoque Analyfis hujus
quæ ei in scaturigine sua interspersum
est spiritum quemdam mineralem sub-
tiffimum ac summè volatilem vitrioli
ut potiùs, ut ego quidem arbitror,
sulphureum. Qui à vulgari tamen dif-
ert, quòd ille summopere attenuatam
subtilem redditam pinguedinem con-
nectam habeat.

Sulphureum verò hunc spiritum de-
gnant fapor & odor aquæ recens ex
scaturigine haustæ. Exp. 4. & 5.

Eundem verò maximè esse volati-
m & subtilem patet ex eo ; quòd sum-
mopere sit fugax, ac intrà brevissimum
temporis spatium dissipetur in auras, ubi
qua liberiori aëri exponitur. Exp. 4.

Quodque eadem aqua cocta omnem
mittat odorem, ac faporis, quem habet
recens hausta, partem maximam.

Spiritus porro hic mineralis, quantumvis est subtilis ac volatilis, non videtur tamen esse indolis nimium expansivæ. Utcumque enim aqua *Marimontensis* spiritu hoc sit dives, intra viscera corporis recepta calore loci non extendit se ultra modum; ventriculum nec distendit nec aggravat; non inducit flatum; vasa sanguifera non dilatat nimium; sanguinem vix rarefacit aut expansionis ejus aut elaterii nisum & impetum auget; non aggravat caput; non inducit somnolentiam nedum temulentiam.

Aquæ huic, dum integris adhuc est viribus, nec quidquam eorum, quibus in terræ gremio imbuta est, elementorum amisit, in ipsa fontis scaturigine permixtas esse vitriolicas quasdam particulas, audacter asserere non vereor.

Cave autem ne protinus suspiceris, me credere in hac aqua hospitari vitriolum aliquod fixum. Apprimè mihi notum est hæctenus Chymicos aucupes incassum tentasse retibus quibuscumque irretire hanc avem.

Vitriolum, quod dicimus huic aquæ inesse, volatile est, compositum scilicet ex ferri particulis unitis cum spiritu prænotato sulphureo, summè volatili ac fugace.

Hocce

Hocce vitriolum volatile in aqua *Marimontensi* reperiri, dum intrà terræ viscera concluditur, aut jamjam in liberum profilit aërem, docet imprimis color ille purpureus accedens ad fuscum, quô tingitur ab immisso pulvere N.G. illicò è fonte hausta, & quô non imbuatur si diutiùs aëri fuerit, aut calori ignis aut solis exposita. Vide Exp. 6. 7. 18. 19. 20. 87.

Quod phænomenon nulli alteri attribui potest causæ quàm deperditioni spiritûs istius mineralis, qui tam diu quàm aquæ immersus erat cum ferreis particulis associatus constituebat vitriolum illud volatile, quod protinus perit ac annihilatur ubi spiritus ille mineralis ferreas deferens particulas in auram sese attollit.

Verùm objiciet fortè aliquis, colorem prænotatum posse produci ab insperso pulvere N. G. licet nihil adsit vitriolici, sufficere ut aquæ permistæ sint particulæ ferreæ. Docet si quidem experientia non solum aquam, in qua ferrum candens sæpe extinctum est, purpureum quoque induere colorem à miscela ejusdem pulveris, sed & decoctum Gallarum ab immissa limatura Martis eundem assumere colorem.

Verùm patet à posteriori illud hîc

50 *Caput III. Exponuntur Aqua*
nullo modo ufui venire. Siquiden
aqua *Marimontensis*, dum nullum depo
fuit sedimentum, adeoque & ferre
adhuc foeta est particulis non tingatur
fi diutius aëri liberiore vel calori fuer
exposita adeoque privata fuerit spirit
fuo volatili. Sed spiritus hic volatili
folitarius nihil contribuet ut aqua à Nu
ce Gallarum mutetur in colorem illum
purpureum aut fuscum, nisi connubi
junctus ferreis particulis constituer
vitriolum quoddam. Ergo &c.

Huc etiam facit, non esse verifimile
ferreas particulas umquam sine union
alterius cujusdam corporis, ita att
nuari, subtiles, levesque reddi, ut pe
se tamdiu diffolutæ innatent aquæ tan
levi & subtili, nisi ab alio corpore fir
diffolutæ, vel saltem ab æthereo spir
tu quodam elastico agitatae aquæ int
mius unitæ & fociatæ ferventur. Vo
rùm, ut quod sentio dicam, non appa
ret mihi aquam hanc ita divitem esse
tali elemento æthereo ac elastico, qu
intus agitatae ejus particulæ teneantu
fuspensæ &c. Verosimilius igitur mil
apparet, à spiritu illo volatili sulphure
intimè conjuncto cum ferreis particul
harum dissolutionem deducere.

Cum spiritus hujus vitrioli volat

ejusque Ingredientium Qualitates. 51
tam facile auras petat discedendi li-
rtatem nactus, ut vix aliquo tempo-
spatio aqua e fonte hausta omnem
re amittat odorem, ac alium non
nservet saporem nisi ferrugineum,
irum non est nullum vitriolum, sed
rri solummodo particulas exhiberi
fisti posse.

Docent quoque experimenta cum
ac aqua instituta, sulphureas etiam
uasdam partes in eadem hospitari ac
elitescere. Præterquam quod aqua
eat & sapiat aliquid sulphurei volati-
s Exp. 4. 5. ac sal ochræ oleat quo-
ue sulphur. Exp. 70. 71. 77. abeatque
materiam pinguem ac quasi gluti-
osam. Exp. 68.

Sedimentum, quod aqua soli expo-
eademisit, positum in tegula candente
on solum emisit scintillas, sed plures
us particulæ accensæ fuerunt flam-
amque effuderunt cæruleam odorem-
ue emiserunt sulphuris mineralis.
xp. 91.

Sal quoque ochræ detonat cum ni-
ro. Exp. 75.

Nec mirandum est sulphureas hic
bservari particulas, si quidem docue-
it experientia : in aquis in quibus re-
eritur vitriolum volatile, in iisdem ple-
amque deprehendi sulphur volatile :

52 *Caput III. Exponuntur Aqua*
quandoquidem à spiritu sulphuris nascatur subtile illud vitriolum.

Sed prosequamur examinaturi insuper, quæ Analysis Chymica ad oculum quasi demonstrat in hac aqua minerali contineri.

Materia illa, quæ ab evaporatione vel destillatione aquæ relinquitur in fundo vasis, aut quæ spontè subsidit, aut quæ in rivulo decurrente à fonte deponitur ochræ vel rubricæ instar, componitur ex terra, ferro, & sale quodam sulphureo.

Ab hujus examine incipio. Sal quod educitur ex evaporata lixivía, sive hæc facta sit ex sedimento prænotato sive ex decocta òchra, constat ex sale alcali fixo, non quidem puro & sincero, sed quod conjunctas secum fert & habet particulas quasdam sulphureas, acidiusculas, ita tamen ut sal illud longè prædominetur particulis hisce acidis ac sulphureis.

Hac quoque cum differentiâ, quòd prædominium hoc multò etiam magis sit in sale quod elicitor ex aquæ sedimento nato vel ex evaporatione vel destillatione, quàm in eo quod provenit ex ochra, quod etiam deprehenditur irretitum magis esse particulis sulphureis.

Sal igitur Aquæ Marimontensis considerandum est ut sal neutrum, compositum scilicet ex acido & alcali, vel ut sal Hermaphroditicum, quod quasi mediam inter alcali & acidum naturam obtinet: ita tamen ut alcali longè excedat acidum.

Quin imo nullus dubito, quin sal alcali purum exstiterit in aqua, dum detinebatur adhuc in terræ gremio, vel dum ex scaturigine recens prodibat. Ut postmodum conabor ostendere.

Ut ut fuerit, sal quod oculis nostris sese sistit nuncupandum esse censeo *sal sulphuratum*, quod characteres plures adhuc conservat alcali. Juvat experimentis asserta hæc probare.

Sal hoc potissimum constare ex sale alcali patet imprimis, quòd in aëre citò humectetur & lique scat Exp. 36. 68.

Quòd cum spiritu vitrioli ineat luctam effervescatque. Exp. 37.

Quòd decoctum gallarum sensim & sensim mutet in liquorem coloris misti ex cineritio & flavo. Exp. 43. 74. ut alcalica plus minusve facere communiter solent: quòd syrupum violarum reddat viridescentem. Exp. 44.

Nec contra facit, ut communis est opinio, quòd solutio hujus salis effusa super chartam cæruleam non immuta-

54 *Caput III. Exponuntur Aquæ*

verit ejus colorem. Ex. 45. 72. cum nec solutio falis tartari nec spiritûs falis ammoniaci id efficiant. Sufficit ut inter Alcalica numeretur, si maculam impressam eidem chartæ à spiritu vitrioli oblitteret. Vid. exp. 46.: cum fa tartari eundem edat effectum.

Idem verò sal non esse purum Alkali demonstrant sequentia. Sapor ejus non est purus lixiviosus sed amarescens. Exp. 34.

Solutio falis ochræ non delet maculam chartæ cæruleæ impressam à spiritu vitrioli. Exp. 72.

Sal ochræ miscetur spiritui vitrioli sine ullo conflictu. Exp. 76.

A confuso hoc sale solutioni mercurii sublimati materia, quæ fuit præcipitata, non est coloris aurantii, ut fieri solet ubi confunditur sal alcali fixum. Exp. 47.

Materia quoque quæ præcipitata fuit ex spiritu nitri, in quo dissolutus erat mercurius, est coloris albicantis ubi qui præcipitatur pulvis à sale tartari lutei est coloris. Exp. 49.

Sal, de quo agitur, non esse purum alcali, confirmatur quoque ex eo, quòd ab affusione ol. tartari fiat præcipitatio. Exp. 80.

Cum ab admistione olei calcis præ-

cipitatio facta fuerit pulveris cujusdam coloris cineritii (vide Exp. 50.) non sine fundamento suspicor in eodem aliquid acidi vitriolici delitescere.

Hisce omnibus consideratis arbitror, sal quòd educitur ex lixivía vel feditamenti vel ochræ aquæ Marimontensis non esse sincerum alcali, sed tale quod consociatas habet particulas sulphureas & acidulas, in tam parva tamen quantitate, ut non tollant omnino alcalinam ejus indolem sed solummodo diminuant.

Sal ergo quod inest aquis alcalicum recepit quidem aliquas particulas acidulas sed non ad plenam, ut loquuntur Chymici, satietatem, seu non in ea quantitate ut alcalina ejus indoles omnino exstinguatur; & transeat ad classẽ alterius cujusdam salis speciei, quod neutrum vocatur.

Operæ pretium facturum mihi videor, si rem hanc magis dilucidè explanem, exemplò generationis salium artificialium, quæ hujusmodi sunt naturæ. Sal igitur hoc naturale comparare licet sali tartari, cujus uncia e. g. uni affunditur unus solummodo scrupulus olei vitrioli, ubi tamen plures affundi debent, ut habeatur sal illud neutrum, quòd vocatur Tartarus vi-

56 *Caput III. Exponuntur Aqua*
triolatus, qui non obtinetur perfectus
nisi confundatur sali oleum vitrioli ad
satietatem. Rectè assimilatur rursus sali
Tartari cui permista & à quo abstracta
est tantùm una libra aceti, cum tamen
admisceri debeant plures libræ, ut fiat
terra foliata tartari completa.

Proximiùs indolem salis illius osten-
dit experimentum sequens à me insti-
tutum. Sal tartari in pulverem subti-
lem redactum ac positum in charta em-
poretica superposui fumo sulphuris ar-
dentis, tempore quatuor minutorum.
Hoc sale seposito substitui aliud, quod
expositum mansit eidem fumo spatiò
octo minutorum. Superposui denique
tertium quod excepit fumum tempore
quadrantis horæ. Atque ita obtinui
tres species salium alcalinorum sulphu-
ratorum, differentes tantum juxta ma-
jus vel minus, ut loquimur in scholis,
sive quorum unum minùs aliud ve-
rò magis acidò sulphuris imbutum
est.

Detexi porrò per experimenta cum
salibus sulphuratis hisce artificialibus
instituta, eadem quàm plurimùm con-
venire cum sale Fontis Marimontensis,
ac plures similes edere effectus cum
alijs corporibus permista.

Antequam sermonem de sale abrum-
pam, liceat verbô hîc indicare, unde
putem fieri ut sal qui educitur ex
ochra minùs sit alcalicus quàm ille
qui elicitur ex lixivio sedimenti.

Notum imprimis est, salia Alcalica,
dum diutius aëri manent exposita, al-
calinam deperdere indolem. Sed & alia
manifesta est ratio: nempe ochræ con-
junctas reperiri plures particulas un-
ctuofas sulphureas, quæ irretiendo ac
involvendo salinas harum actionem
plurimum impediunt. Vide Exp. 68.
69. 70. 71. 85.

Separatô sale à sedimento vel ochra,
superest terra quædam Alcalina, ab-
sorbens, levissima, quæ in pulverem
redigitur facilè, quæque conjunctas
secum habet particulas quasdam fer-
reas.

Terram hanc alcalinam esse & ab-
sorbentem docent Experimenta. 55. 59.
60.

Eandem quoque esse summè friabi-
lem, ac talem quæ in pulverem sub-
tilissimum resolvatur facillimè demon-
strat experimentum 55.

Quod verò sociatas habeat particu-
las ferreas probant experimenta 52.
53. 54. 82. 83. 94.

Ferreæ verò quæ in terra hac reperiuntur particulæ sunt illæ, quæ à spiritu sulphureo jam in auras dissipato liberæ ad fundum secedentes terræ se se confociarunt.

C A P U T I V.

In Genesim harum permistionum, & modum quò coadunata profluunt inquiritur.

NON disputabo hîc de hujus fontis aut aliorum Fontium origine, res hæc spectat potiùs ad Physicos; ego ut Physico-Chymicus statui examinare solummodo, unde provenerint, quomodo producta & coadunata fuerint ea, quæ ostendimus specialiter in hac aqua recondi.

Fontis igitur hujus originem suppono eandem esse quæ ceterorum est fontium. Eorum verò, quibus aqua hæc mineralis singulatim gravidata est, ortum deduco à duobus potissimùm distinctis corporibus in terræ visceribus, quæ aqua hæc fontana perfluit, hospitantibus. A Lapide scilicet *Pyrita*, & à sale quod à veteribus *Nitrum* seu *Natrum* nuncupari solebat.

A Lapide Pyritês imprimis Genesim Ferri, seu vitrioli istius Martialis

In Genesim Ingredientium Aqua. 59
volatilis, deinde sulphurearum quarundam particularum, ac denique spiritus sulphurei subtilissimi ac summè fugacis arcesco, uti & particularum quarundam materiæ terrestris ferruginæ.

Salis verò, quòd aquis inest originem repeto à sale *Natro*. Terræ vero istius alcalinæ & absorbentis, quam copiosius præ ceteris materiis vehit hic fons, ortum deduco, pro parte scilicet maxima, à salis prænotati matrice terrestri, seu à particulis terreis, quibus salinæ alcalinæ particulæ *Natri* nuptæ ordinariè sunt.

Retulimus capite præcedenti circa fontem, qui est Marimontii, à nobis repertos fuisse lapides, quos vocant pyritas. Jam vero pyrita lapis, secundum generalem authorum, qui de Mineralibus scripserunt sententiam, componitur potissimum ex particulis ferreis & sulphureis, micatque plus minus fulgentibus particulis, seu, ut loquitur *Plinius lib. 36. cap. 19.* aureis scintillis vel argenteis respersa est pyrita. Cum ergo ostensum sit in præcedentibus aquam hanc divitem esse ochra pyritæ halituque sulphureo, non sine fundamento, ut mihi equidem apparet, ortum ferri, sulphuris, hali-

tûsque sulphurei & materiæ terrestris pro parte saltem aliqua à dissoluta pyrita repeto.

„ Ochram pyritæ esse sobolem censent omnes qui res hæc accuratiùs examinarunt. Ochra rufescens sive „ fulva à pyrite ferè nata & in ple- „ risque acidulis certè atramentosis in- „ venta merum ferri metallum est, & „ à Magnete post debitam ustionem ex „ toto allicitur. „ *Lister de Fontibus Medicatis Angliæ fol. 19.*

Pyrita porrò prænotatas materias communicat & largitur huic aquæ fontanæ, dum hæc vel pura, vel jam modò spiritu quodam penetrante imprægnata (hoc vero mihi minus placet) affluens ad pyritas, harum penetralia subiens, earundem compagem relaxat, diffringit, motum excitat intestinum quemdam attritûs plus minus validum, unde nexûs particularum pyritês fit dissolutio, earumque attenuatio ac tandem in elemento aqueo solutio : ferreæ fiunt sui juris, sulphureæ expediuntur suppeditantque halitum quemdam sulphureum acido volatilem, qui sese continuo confociat ac connubia init cum ferreis particulis, unde hæc faciliùs ab aqua solvuntur quoque. Atque ita abripiuntur ab aqua compedibus mutuïs

In Genesim Ingredientium Aqua. 61
liberatae hæ materiae ac unà feruntur
d fontis scatebram : eodemque fortè
luxu abripitur pyritarum pars quæ-
dam terrea alcalina & ferruginea mo-
ibus jam dictis attenuata quoque.

En modum, quò meâ quidem sen-
sentiâ, à pyrita derivantur in aquam
hanc fontanam ferrugineæ ac sulphu-
reæ ejus particulæ; quò nascitur spi-
ritus ille volatilis sulphureus, qui par-
tim liber ac nulli alteri coadunatus cor-
pori diffunditur per aquam, & à cujus
subtilissimis effluviis dependet odor ille
penetrans, fugax, sulphureus, partim ve-
rò consociatus ac junctus ferreis particu-
lis constituit vitriolum illud volatile.

Prædicta confirmantur ex iis quæ
sedulus ille fontium mineralium inda-
gator auctor Gallus tandem detexit
fieri in interioribus terræ, *Henricus*,
inquam, *De Rochas*, qui in scrutinio suo
thymarum fol. 5. cap. 1. refert sese
fodiendo terram profundius tandem
pervenisse ad thymarum initium, ibi-
demque à se repertam fuisse aquam fri-
gidam, gustui insipidam, scaturientem
ex terra. Observavit deinceps aquam
hanc in itinere suscepisse sal quoddam
mineralc, quò imprægnata pervenit tan-
dem ad Marcasitam sulphuream : unde
mox intensam ebullitionem, spumam,
ac summum æstum concepit.

Verùm objiciet quispiam, in hac sententia, aquam Fontis *Marimontensis* debere potius esse Thermalem quàm Acidulam, seu oportere potius esse calidam quàm frigidam, cum non sit facili conceptu prænotatam contingere pyritarum solutionem spiritusque sulphure productionem sine notabili incalescentia & æstu, halitusque vaporosi fervidi per aquam dispersione. Pari modo accidere, si ferrum & sulphur in pulverem redacta misceantur & aqua irrorentur ac in massam subigantur quæ massa etiam sub terrâ recondita spatium aliquot horarum incalescit, æstuat fumos emittit fervidos odoremque exhalat sulphureum, quin imo in flammam erumpit : atque tandem, desinenti tumultuario hoc motu intestino, si aqua affundatur eidem massæ, coletur evaporeturque lixivium hæc, purum largitur Martis vitriolum.

Ad hanc objectionem respondeo pluribus ex capitibus posse fieri, ut solutio quæ fit pyritæ perficiatur sine tam notabili æstu. Imprimis si ferreæ & sulphureæ particulæ quæ componunt pyritam fuerint magis intricatæ & coercitæ, minùs liberæ & sui juris per plures alias consociatas particulas quibus quasi compedibus ligantur ; si minor sit

In Genesim Ingredientium Aquæ. 63
phuris quantitas, aut non requisita
oportio, solutio earumdem fiet len-
ior, attritus particularum harum ad
vicem erit languidior & minor, atque
et solutio sine calore perceptibili; uti
contingere solet in experimento quod
it objectum, si non debita quantitas
uæ affundatur. Non incalescunt igitur
multum aquæ, nec nascuntur Ther-
mæ, nisi dum resolvuntur pyritæ per
vehementem attritum ac collisionem in-
feriorem ac quasi vibrativum particu-
larum sulphurearum & ferrearum, un-
de summus excitantur æstus, excandes-
centia, particularum ignearum expan-
sio summa. Hæc evidentia sunt, & ut
constantis veritatis nota sunt omnibus,
si naturam ignis ac caloris perspectam
habent.

Ad hæc, potuit aqua valde incaluisse
ubi concurrebat ad pyritæ solutionem,
calorem verò omnem illum amisisse,
sempe si diutius in terra commorata
esset deinceps; si longius temporis
spatium impendere ac per anfractu-
os occultosque terræ meatus debuerit
longè latèque vagari, antequam sca-
berrimam potuerit attingere.

Quod verò spectat genesim salis, quod
reperitur in fonte Marimontensi, meâ
quidem sententiâ non apparet ortum

ejus aliunde posse rectiùs repeti quàm à fale alcali, quod in terræ visceribus reperiri hodie dum pro demonstrato habetur.

Sal hoc à quibusdam nitrum appellari solet sed minùs rectè; cùm facilè inde queat oriri confusio : nempe ut per nitrum intelligat quispiam *salen* *petræ*, cùm hìc sal ab omnibus hodie dum recepto nòmine nitrum appellari soleat. Cùm tamen summa inter hæc duo salis genera intercedat differentia cui exponendæ hìc supersedeo, cùm lippis & tonsoribus ferè innotuerit.

Sufficit in rem hanc nostram si monuero : neminem hæctenus invenisse *salen* *petræ* in interioribus terræ partibus. Sal petræ est sal aëreum, quod ex pingui Alcalina terra aëreque liberiori producitur supra terram & potissimùm eam in qua animalia excrementa sua deposuerunt.

Dum ergo in *Academia Regia Parisiensis* monumentis legitur ; in his vel in aliis aquis mineralibus inventum fuisse nitrum, aliud non indicatur quàm *Nitrum* veterum : " quod est, ut ait *Dictionelos Observationum super aquis mineralibus diversarum Provinciarum Gallie* pag. 17. sal sulphureum, minerale quale a...
 „ cali plantarum. „ Et pag. 16. " Sal
 „ aquarum

In Genesim Ingredientium Aqua. 65
aquarum.... ad duo genera reduci pos-
sunt, alia scilicet ad nitrum antiquo-
rum quod est sal sulphureum mine-
rale.,,

Si quis igitur sal istud Alkali, quod
ex terra eruitur, velit vocare nitrum,
oportet ut intelligat nitrum veterum,
quo aliquibus *Natrum* nuncupatum, id-
emque Ægyptiacum cum ibidem olim in
substantia copiosius effoderetur: Intel-
ligat, inquam, purum sal alcali fixum
et sulphureum, ut est sal tartari, sal
podæ vel aliarum plantarum fixum, &
quod ex earum cinerum lixivio educi-
tur: quorum etiam saporem lixiviosum
habebat Nitrum illud veterum. Alia igitur
non intercedit differentia quam
quod nitrum veterum sit sal quoddam
alcali minerale quod in interioribus
terræ reperitur. Quoad cetera similes
proprorsus producit effectus utraque salis
Alcalini species.

Nitrum igitur veterum seu sal hoc
terræ alcalinum non modò ex gremio
hujus effoditur, sed aquæ vivæ & de-
currentes per terræ interiora ubi for-
marunt quasi lixiviam, sale hoc imbu-
tæ ad scaturiginem plurimorum fon-
tium mineralium deferuntur.

Næ ergo crassam suam manifestè
prodit ignorantiam quisquis tale sal in

terræ visceribus & aquis mineralibus
existere audet negare.

Ex terra effodi sal purum alcali mi-
nerale docet terra illa, quæ prop
Smirnam aut *Ephesium* eruitur hodi-
dum, inservitque ibidem conficiend
saponi. Vid. *Hist. Acad. R. scient Ani*
1729. pag. 33. *Mem. pag. 380.*

Idem sal educi ex pluribus fontibus
mineralibus, quibus gaudet *Gallia* do-
cet prænotatus *D. Duclos. cap. 8. fol. 91.*

In Germaniæ fontibus, quos vocant
Acidulas, pluribus si non ferè in om-
nibus idem hoc sal Alcali reperiri do-
cet *Fred. Hofmannus* celeberrimus ill-
fontium salubrium & medicatorum in-
dagator. Juvat eundem audire disse-
rentem in *Dissertatione de Elementis*
Aquarum Mineralium rectè dijudicandis
& *examinandis pag. 43.* "Vicissim præ-
,,cariò à quibusdam asseritur sal Alca-
,,inter fossilia & in regno minerali no-
,,dari, sed per artificium tantùm pa-
,,rari & vegetabilium esse prolem.
,,Contrarium enim evidenter demon-
,,strari & oculis subjici potest, dum
,,non modò ex thermis præsertim *Ca-*
,,rolinis & *Emsensibus*, verùm etiam
,,ex *Acidulis*, maximè *Selteranis* &
,,*Buchensibus* purum sal alcali salis tan-
,,tari quoad omnes effectus simile

in Genesim Ingredientium Aquæ. 67
elici & præparari potest. Neque enim, quod primus omnium ego observavi, purum acidum in acidulis delitescit, sed omnes quotquot sunt & dicuntur, in omnibus Europæ locis, sal alcali vehunt, ut potius alcalinæ dicendæ essent.,

Verum videor mihi jam audire objicientes, ex iis, quæ à me dicta sunt de qualitate salis quod educitur ex fonte Marimontensi, patere sal hoc non esse urum alcali, sed potius salis alicujus neutri speciem.

Huic objectioni respondeo. Illud quidem negari non posse, sed dico; sal quod educit artifex ex aqua Marimontensi nullo modo tale existisse in aqua intra terram adhuc fluctuante. Perdit illud sal minerale alcalinam suam indolem, dum aqua eò imbuta ex scaturigine jam hausta aëri liberiori exponitur, vel etiam in lagenis inclusa conservatur: quando scilicet spiritus ille sulphureus, qui junctus ferreis particulis constituebat vitriolum aliquod volatile, hæc jam deferens sali huic consociatur ac coadunatur: atque ita producit salis cujusdam neutri sulphurati; Ex. gr. speciem. Eodemque tempore ferreæ particulæ factæ sui juris ac liberæ gravioresque tandem sub-

E 2

Spiritus igitur sulphureus volatilis qui in terræ visceribus junctus ferre particulis componebat vitriolum martiale subtilissimum ac volatile naturale quale nullo artificio hæctenus produci potuit, jam nuptus sali alcali producit sal sulphuratum.

Hæc confirmantur ex sequentibus. Aquæ *Marimontenses* in lagenis accuratè clausis, & potissimùm tempore frigido, notabili temporis spatio conservant qualitates suas integras, vel saltem proximè accedentes, quas habent recedens ex scatebra hauistæ. Idque tum quòd spiritus volatilis per aquam diffusus in auras evolare nequeat, tum quòd impediatur liber aëris accessus si tamen aquæ diutiùs conservantur in lagenis utcumque accuratè obturatis & maximè si calori exponantur, ocyùs vel feriùs subsidet ad fundum lagenæ sedimentum, compositum scilicet alkalino quod ex terra alcalina, quod socias habet particulas ferreas. Nec mirum, dum scilicet diutiùs in quiete unà morantur particulæ salis alcalinæ cum vitrioli isto volatili, fieri vix potest, ut spiritus hic acidulus tandem non invadat alcalinas. Atque hinc ferreæ particulæ redditæ liberæ compedibusque solutæ cum terreis confidunt.

Quòd verò hæc nata apta sint fieri, mò fieri debeant patet ex eo, quòd à vitriolo martis soluto in magna quantitate aquæ separari queat acidum vitriolicum per admiscelam terræ ejusdam absorbentis, ut cretæ, calcis &c.

Quantò verò faciliùs per sal alcali separabitur spiritus ille acidulus volatilis, qui sponte in aërem volare ita promotus est?

Ex modò dictis facilè intelligitur, cur in terræ gremio spiritus hic volatilis non jungat sese alcali : utcumque enim pronum sit illud acidum, ut Martem deferens amicabile magis cum alcali sale ineat connubium, ligatùm tamen Marti manebit, cui jam conjunctum est, nisi divortii concilietur libertas, quam in terræ reconditum visceribus non habet sufficientem ; utpote cùm aqua hæc tamdiu quàm intrà terræ cancellos concluditur sit magis condensata, particulæ ejusdem sint magis compactæ, ac juxta invicem quasi quiescentes ; tum ob loci frigus, tum ob angustius spatium : ubi verò aqua effunditur in aërem calidiorem, nancisciturque liberius spatium, particulæ ejusdem motu intrinseco intensiore quaquaversum agitantur, ad invicem im-

pelluntur ac pluribus ictibus impungunt ad invicem immotæ quasi antecentes particulæ. Ab hoc novo extato motu ac concursu particularum fit, ut salinæ & acidæ particulæ occurrentes in mutuos ruant amplexus.

Ut nova hæc contingat copula primum etiam contribuit; aquam componi aëri libero: tum enim particulæ plures magis volatiles acidi, quæ associatum erat ferro, in auras dissipantur, quô fit ut nexus inter ferreas, & acidas reddatur infirmior atque debilior.

Aëris verò liberum accessum carentemque libertatem conciliare memorato Acidi cum Marte divortio, novæque ejusdem cum Alkali connubio, eo patet, quod aquæ illæ ex ipsa hæstæ scaturigine lagenis exactè conclusæ, frigido repositæ loco diutiùs conserventur integræ, quæ si liberæ expositæ mansissent atmosphæræ, in breve temporis spatium fuissent alteratæ, præcipitatô marte, dum hunc relinquens acidum Alkali se jungit. Cuius verò terrâ conclusa aqua fontis noster gaudeat libero aëris accessu, mirum non videtur, si in terræ visceribus spiritus ille volatilis martem non deserat ac sese jungat sali alcali.

Dum spiritus acidus sese jungit sali Alkali, quod naturaliter existit in aquis Marimontensibus, præcipitantur particulae porosae, terreae quæ salinis erant coadunatae; atque hinc partim origo repetenda est materiae terrestris, levis, porosae, absorbentis, &c. quæ reperitur in sedimento.

Nôrunt qui in chymicis versati sunt; alia omnia fixa alcalica sibi habere conlocatas ac intimè unitas particulas terreas, porosas &c. imo ab ipso hoc conubio potissimum dependere quòd alcalina sint.

Nec ignorare quoque possunt, salinam portionem non admodum difficulter sejungi à particulis hisce terreis. Sal tartari in oleum tartari per deliquium, ut vocant, solutum, ac iterum exsiccatum, fufumque igne, rursum aëris humido deliquescent, repetito hoc opere tandem totum in feces terrestres ac sal volatile resolvitur.

Sed ad rem magis facit sequens experimentum. Quod si sali cuidam alcali fixo albissimo affundatur acetum stillatitium, illico acidæ particulae sese jungunt salinis, ac producunt sal neutrum, terreaeque secedunt ac præcipitantur ad fundum.

Idem omnino contingit in aqua Ma-

72 *Caput V. De Virtute Medica*
rimontensi, dum spiritus, qui sunt
eadem acidi, sese jungunt salinis, f
nascitur aliquod neutrum; terra ver
quæ antea salinis combinata particul
efficiebat sal alcali fixum, nunc ab i
dem secedens solitaria existit.

C A P U T V.

*Exhibentur Virtutes Patriscæ Aquæ Mar
montensis, quibusque morbis depellendi.
singulariter sint utiles & efficaces.*

EX iis, quæ hæcenus dicta sunt
huius aquæ elementis, luce men
diana clarius est, aquam hanc collocar
dam esse inter veras & genuinas & no
spurias aquas minerales, quas voca
Acidulas Soterias, inter quas nulli a
teri Marimontensem credo ego esse f
cundam.

A. Ferrugineus imprimis est fons

B. Aqua ejus perfunditur spirit
quodam volatili.

C. Ætherem vehit subtiliorem, a
risque non minima quantitate ingrav
data est.

D. Sal continet Alcalicum, vel A
calico-sulphureum Hermaphrodit
cum.

Hæc verò sunt pleraque Acidul

um salubrium ingredientia, ut videre
est apud Auctores, qui Acidularum in-
stituerunt analyfim. Et imprimis cele-
berrimum *D. Fred. Hofmannum tracta-
tu de plerisque Germania fontibus.*

Præter hæc, alia quoque sunt, quæ
ubi concurrunt omne eximunt dubium
quin fons aliquis sit numerandus inter
genuinas & foterias Acidulas, boni-
tatemque earum confirmant amplius.
Sunt vero sequentia.

Aquam Fontis esse puram limpi-
ssimamque.

2. Eamdemque in lagenis accuratè
obturatis per plures menses imò annum
integrum sine corruptione posse con-
servari.

3. Ad fundum lagenarum, quæ aper-
tæ sunt, & ubi conceditur exitus spi-
ritui æthereo volatili, subtilem quam-
vis subsidere materiam flavam instar
ochræ vel rubricæ.

4. Tam diu verò quàm lagenæ ma-
nent exactè occlusæ, paucum quin imo
nullum ad fundum delabi sedimen-
tum.

5. Potas aquas facilè transmeare pri-
mas vias & excerni per urinas.

6. A potu earumdem feces reddi ni-
gricantes.

7. Summopere aquas etiam com-

74 *Caput V. De Virtute Medica*
mendat, si constet eas sine noxa à p
ribus solêre bibi.

8. Earumdem quoque, sine inco
modo, magnam quantitatem posse ad
mi.

Sed his omnibus qualitatibus præ
ta est Aqua Marimontensis.

Prætereà de aquæ alicujus minere
salubritate ac bonitate convincimus
si constet eandem non continere u
principia, quæ corpori per se nox
inferunt.

Minus salubres imprimis sunt ne
nullæ aquæ minerales, quod Alum
vel terram contineant calcariam, etia
si cetera omnia ejus ingredientia co
pori sint amica.

Sed horum duorum expertem e
aquam Marimontensem docent rel
à nobis experimenta.

Experimento undecimo refertur, aqu
huic oleum tartari admisceri sine al
ratione ulla sensibili, constanterq
manere aquam non minùs quàm an
affusionem perlucidam. Sed docet e
perientia aquas, in quibus latet aliqu
vel aluminis vel terræ calcariæ à co
mitione olei tartari per deliquium re
di albas, turbidas: & si, quod delit
cit, sit aluminosum, ex ea quoque pr
cipitari materiam albam & terrestre
Vide Exp. 11.

Adhæc alumen ad ignem intumescit. Vide Exp. 38.

Suspectæ quoque sunt aquæ minerales, quæ continent materiam terrestrem gypseam vel crystallinam, Selenitidemque. Hæc aquas Angli vocant Selenitidas. Cognoscuntur verò tales, dum in sedimento harum conspiciuntur fibre longitudinales splendentes : dum, inquam, ubi evaporantur, in iis concresecunt plurimæ pellucidæ particulae instar crystallulorum, spiculorumve, aut lamellarum.

At materia terrestris hujus aquæ nullas similes habet qualitates : vid. exp. 2. 90.

Insuper cum acidis effervesceat, ac ab iis dissolvitur Marimontensis ; quod non contingit cum sedimento aquarum, quod componit Selenitis.

Deinde Aquæ Marimontenses nullum continent acidum fixum, vel quod sui juris sit & expeditum. Demonstrant id omnes probationes institutæ, ut si quod occultaretur acidum in lucem prodiret. Vide Experimenta 3. 9. 11. 12. 27. 44. 45.

Reperiuntur quoque aquæ minerales summopere nocivæ, ac penè venenatæ, quod spiritu quodam Arsenicali sint perfusæ.

Existant aliæ quæ sine sanitatis detrimento vix bibi possunt, quod turgeant

halituoso, vaporifero ac summè expansivo quodam spiritu, *Gas* vocat *Helmoltius*. Vide tractatum ejusdem *de Complexionum atque mistionum elementalium figmento*.

Quid? Quòd fontes nonnulli sint insalubres quin & noxii, etiamsi non continerent ulla corpora, quæ per se adversa sunt secundæ valetudini, sed quòd ipsa quæ corpori sunt amica in majori copia in iisdem sint accumulata & congesta. Exemplo sit æthereum illud elementum, à quo aquarum mineralium efficacia potissimùm dependet.

Postulat instituti ratio, ut ostendatur, quas habeat vires medicas Aqua *Merimontensis*, ratione singulorum suorum contentorum.

Cùm aqua hæc admodum sit limpida, levis, particulis solidiusculis non onusta, proinde ad naturam aquæ pluvialis, aut potius ad purum aqueum elementum accedat proximè, subtilitate hac & puritate imprimis commendaretur. *Hofmanni* sententia est: aquarum mineralium virtutem, tam in præsciendendis quàm curandis morbis, præcipuè & principaliter esse adscribendam aquæ. Reliqua eidem nupta elementa tantùm locò stimuli inservire. Pag. 190 *de Aquis Mineralibus*.

Superfedeo enumerandis omnibus virtutibus medicis, quæ à quibusdam authoribus hodieum attribui solent aquæ puræ. Suffecerit si dixero, aquam hanc ratione sui elementi aquei esse remedium ad diluendum, attenuandum ac resolvendum omne id, quod in humoribus nostri corporis est lentum ac viscosum, obstructionesque tollendas convenientissimum: & potissimum cum doceat experientia, eandem copiosius assumptam à plerisque facile ac benè tolerari, ac tum maximè solere conferre.

Hanc aquæ Marimontensis in agendo vim medicamentosam ita intendit spiritus ille summè volatilis & subtilis, æthereumque elementum, à quibus perluitur, ut eandem longè lateque per totam machinam diffundat; quandoquidem, ab eo penetrantior ac subtilior reddita pervadat liberrimè quascumque corporis partes. Nusquam eas laceffens aut vellicans, diametris vasorum vim nullam inferens; pororum meatus neutiquam violans, sed ubique inspirans vigorem elateriumque exfucitans.

Nec mirum, siquidem spiritus, quò imbuitur aqua Marimontensis, non est caliduosus nimium nec vaporifer, qui sanguinem admissus eum nimium

quantum expandat rarefaciatque : hinc fit ut hæc aqua potiores non reddat torpidos, somnolentos aut temulentos.

Næ aquæ tali elemento halituosa factæ summa cum cautione & prudentia assumendæ sunt, & potissimum ab iis, quibus genus nervosum est magis tenerum & sensibile; quibus flatulentia in primis viis inductæ molestæ non raro sunt; quibus sanguis ad exæstuantum est dispositus, ac motui rarefactionis ac expansionis intensioris facili subjicitur : canes & angues pejus vitandæ sunt ab iis, quibus sanguis in pulmonibus leviores ob causas exæstium suscipit congeriturque : vitandæ sunt, ubi viscera exæstuant in iis qui temperamenti sunt, ut vocabantur veteres, cholericis sanguineis suspectæ denique haberi potissimum debent, ubi vasorum adest debilitas, & atonia : hoc enim in casu tales aquæ bibi non possunt sine proximo periculo, ne supra modum tendantur vasa, & imprimis ea, quæ naturaliter debilia sunt, ac minorem habent resistendæ vim, ut ea quæ intra cranium sita sunt.

Aliud quod attinet aquæ Marimonensis principium, sulphureum scilicet illud ex aquosis salinis & oleosis particulis confectum, magnarum certum est virium : nervis amicum; idoneum

mod leni popismate partes demulceat ;
asmos tollat, dolores sedet, tonum-
que partium conservet integrum, aut
missum restauret.

Ferruginosus est fons Marimonten-
s, atque ob id summopere æstiman-
dis.

Aquæ ferruginosæ ab omnibus aqua-
m foteriarum amatoribus ac cultoribus
maximo sunt in pretio ac salu-
rrimæ habentur, si spiritu æthereo
iam imprægnatæ sint, aliorumque
corporum noxiarum sint expertes. Nec
mirum, omnium enim medicorum cal-
lo Mars inter cuncta metalla salu-
rrimus est, ac in ferro summa latet
medicina, præcipuè dum ejus particu-
læ summè sunt attenuatæ, dissolutæ, ut
omachum non nimis aggravent ac ad
massam sanguineam penetrare valeant.
Sed particulæ ferreæ, quæ insunt huic
aque, opere naturæ subtilissimæ hîc sunt
in alcohol, ut loquuntur Chymici,
dactæ; & vel tales integraliter à qui-
vis quisquiliis & heterogeneis mi-
neralibus particulis extricatæ sustinen-
tur intra aquam hanc ab æthere subtri-
bui, vel à spiritu sulphureo dissolutæ
in gremium hujus aquæ continen-
tur. Porro sicuti omnes ferè medicati
sunt, teste *Hoffmanno*, de Martiali

80 *Caput V. De Virtute Medica*
principio plùs minùs participant, omnes virtutem suam potissimùm in desumunt, aguntque fibras à naturali tono dejectas corroborando; eluend evehendo crassos & falsos humores.

Ut ut sit aqua Marimontensis, ratio ferrei principii, justum ac debitum patium solidarum tonum conservare, deperditum restaurare apta nata et sanguinis motum progressivum ajuvare; ventriculi imbecillitati mede absque eo quod eundem aggravet a lacefiat quovis modo; cruditates deque acidas in eo productas corrigere.

Sed & hisce majora præstat, dum ferreæ particulæ associatæ sunt spiriti sulphureo summè volatili, ac confluant cum eodem vitriolum aliquod volatile, cujus simile ars numquam producere potuit, utcumque allaboraverint artistæ. Ab hoc vitriolo Acidularum præstantiam & bonitatem potissimùm esse desumendam statuunt omnes aquarum mineralium natura versati auctores.

Quibus Martis virtutes Medicæ eracognitæ, in hoc alloborarunt omnes ut illum in tali possent solvere menstruo, ut assumptus sub tincturæ forma diutius in machina nostra maner dissolutus, ac in minima divisus r

men

menta cum liquidis posset recipi in vasa introducentia, ac ita ad intima deferri corporis penetralia. In hunc scopum prostant Martis tincturæ variæ, & solutiones, ut celebres sic utilitate sese commendantes. Hos verò artis conatus prævenit Creatoris infinita bonitas Martis solutionem humano artificio non assequendam sistens in solamen generis humani.

Aquas verò nostras ut Martiales in machinam humanam agere introspectas, vel ex eo patet, quòd ab illis haustis nigro tingantur colore alvi feces: quod Martis felicitis operationis non leve est augurium: si quidem testantur celebres practici expectatum à ferro vix obtineri effectum, nisi ab eo assumpto, feces tingantur tali colore. Sal verò, quo condita est Aqua Marimontensis, alcalinum domando acido in primis viis congruum præbet remedium: sanguini deinde maximè inimicum est. Si quæ in eo delitescat acrimonia acescens, hanc protinus extinguit, ac secum ducit per vias urinæ feliciter eliminandam.

Quòd si verò quispiam neget pertiniacius sal Aquæ Marimontensis ex ipso fonte jam jam manantis; purum esse alcali; cum spectet potius ad clas-

fem falium compositorum, quæ appellantur Neutra; per me licet, non enim aqua inde minorum erit virium; nempe ad obstructions partium reserandas; cruditates viscidas ac pituitosas incidendas & alterandas. Perpende quas vires adscribant Medici celebres tartaro viriolato, terræ foliatæ tartari, arcano duplicato, sali polychresto, &c.

Maximè verò in pretio sunt hæc aquæ ratione terræ levioris suæ antiacidæ, absorbentis & edulcorantis apud eos, qui morbos omnes ab acido deducunt, ac in terreis remediis fiduciam suam potissimam collocant. Ut ut sit, terra hæc omnis acrimoniæ expers, levis, facilè dissolubilis inter antiacida nullis cedit terreis remediis, quæ in terræ superficie vel in interioribus ejus colliguntur visceribus.

Ex hisce palam fit, aquas hæc ratione omnium & singulorum suorum ingredientium in pluribus ac differentiis convenire morbis, quos in arte periti dignoscent facilè.

Verùm opponet fortè aliquis; non esse verisimile Aquæ Marimontensis vim, quam habet Medicamentosam, effectusque quos producit saluberrimos posse dependere à singulis corpo-

ribus quæ aqua hæc recondita habet : cum hæc in minore sint quantitate quàm ut vim agendi, quam habent propriam, exserant. Proinde effectus hocce potius producere ratione totius suæ substantiæ, ut alia ferè quævis remedium genera. "Sunt quædam, inquit *Galenus*, remedia specifica, quæ totâ substantiâ, id est, non juxta certas suas partes, sed quatenus hæ partes totum quoddam constituunt, agunt."

Quid ? objiciunt insuper, quòd aquarum mineralium virtutes longè magis ac certius experienciâ & effectis exploratæ soleant esse quàm rationibus : adeo ut hisce nemo prudens ausit multum fidere. Proinde Analyseos aquarum mineralium minorem esse utilitatem, quàm aliquibus persuasum est.

Primam quod attinet objectionem : ut quod sentio dicam : mea quoque est opinio Aquam Marimontensem (fortè & alios omnes fontes fotericos) potius agere ratione totius suæ substantiæ quàm ratione singulorum ejus contentorum : verùm negari non potest, quin substantia illa agat & diversos producat effectus, quòd talem vel talem habeat constitutionem & temperationem, ac inde certis prædita sit qualitatibus.

84. *Caput V. De Virtute Medica*

Hæc vero constitutio aliam agnoscere non potest causam, quam singularum & omnium minimarum particularum, quæ compositionem totius ingrediuntur, variam indolem, naturam ac inter se commistionem. Etiam si igitur concedatur Aquam Marimontensem agere ratione totius suæ substantiæ, manet equidem verum, aquam hanc diversos ac sibi proprios edere effectus, quatenus constat aquâ purissimâ; æthere subtili est turgida; ferreas continet particulas, vel vitriolo imbuta est volatili, &c.

Sed hæc innotescunt per analysim; ergo, &c.

Insuper de virtute aquarum licet esse securiores, dum constat in iis nulla hospitari ex sese corpori nociva elementa; Sed hæc iterum palam facit analysi. Sive igitur agant ratione singulorum suorum ingredientium sive totius suæ substantiæ, aquæ hæc suppeditant remedium convenientissimum ad humores diluendos, attenuandos, fluxiles reddendos; ut si quid sit lentum, spissum & glutinosum incidant & attenuent, & potissimum in venis meseraicis adeoque ramis venæ portæ. Cum nemo dubitet quin eò plenô flumine aqua hæc purissima deferatur.

Proinde maximè conveniens est auxilium ad tollendas obstructions viscerum infimi ventris.

Certum quoque est exploratumque hanc aquam efficax esse remedium ad humorum corrigendum acrimoniam, & specialiter acidum, quod est in primis viis domandum & immutandum. Nec minus evidens est vis ejus solidis partibus tonum suum, robur vimque contractilem conservandi ac deperditam restituendi. Martialium siquidem & vitriolicorum remediorum actio in eo potissimùm consistit. Sed & Aqua Marimontensis, sensu teste, vi constringendi prædita est, hausta astrictionis sensum linguæ imprimit; sed nulli dubio locus est quin pari modo in partes interiores, quas attingit, agat quoque.

Quod spectat ad objectionem secundam. Fateor candidè meam quoque esse sententiam : aquarum medicatissimarum omnium virtutes à posteriori, seu ab effectibus potius debere innotescere quàm à priori, ut iis tutò fides adhiberi queat : semper mihi suspectum est & erit remedium quod ratiocinando, excogitando, speculandoque inventum proponitur ut congruum & numquam fallens; experientia sola est,

quæ, meâ quidem sententiâ, docere potest quodnam sit remedium conveniens ad datum morbum curandum.

Proinde acriter non disputabo, si quis cum doctissimo *Ab Heers* statuat, aquas minerales empiricum esse medicamentum. Experientiam cujusque individui requirere. Vid. pag. mihi 119.

Absit tamen ut ex prædictis hæc aliqui trahatur consequentia, non esse scilicet opus ut medicum consulant hujus aquæ potores; at sufficere ut ex relatu & consilio cujusdam se committant experimento potandi, qui videlicet novit aut nosse se prædicet, quos morbos hæ aquæ depulerint, aut quos frustra deluserint, vel quibus etiam noxiæ fuerint.

Dicatur porrò, nec enim refert, hujus aquæ potus esse remedium empiricum, quandoquidem experientia & observationes factæ edocuerint, primò atque potissimum hujus aquæ medicamentosæ virtutes: his tamen non obstantibus ut majore certitudine securi effectus ac securitate optati successus bibantur, omnino advocandus est ad consilium medicus, isque solido judicio præditus, tumque œconomia animalis probè gnarus, qui comparan-

do vires medicas hujus fontis constitutioni examinatæ personarum cupientium ab his aquis remedia, permittere aut illas vetare æquâ ratione possit, simulque modum, tempus, quantitatem & cætera hujusmodi scitu necessaria potitaturis præscribere. Non itaque empiricus mihi tantum desideratur homo; sed doctus, inquam, medicus, qui experimenta rationis lance ponderet, quæ tamen pedisequa sit experientiæ rerum, dum ita se manifestam exhibet ut oculos effugere non possit.

Numquam profectò nudam praxim empiricam probavi, sed talem cui præluceat experientia rerum magistra, & cujus fundamentum ratiocinatio sedula inquirendo stabiliat; persuasum certè mihi habeo vix cespitare medicum qui duobus his fulcris innititur.

Hanc regulam, hanc legem nobis ipsi præscripsimus Marimontii comorantes; non enim sola aquæ Analysis attentos occupavit, sed & altera inquirendi cura: quæcumque tandem ante nostrum eò adventum observata ab aliis fuerunt in hujus fontis usu, & generaliter quidquid ad ejus medicabiles vires spectare potest, qualia hîc sequuntur.

I. An fons ille dudum notus, pari-

terque sit & unde celebris? An ejus aqua melior & salubrior existimetur, quam vulgaris & obvia aliorum passim fontium & puteorum?

2. An morbis languentes soleant ad ejus opem bibitori accurrere?

3. Qui sint illi morbi, à quorum curatione ejus fama tamquam salutaris remedii percrebuerit?

4. An & quomodo constet prædictos morbos istius potu fuisse depul-
sos?

5. An è contrario quorundam ægri-
tudines non fuerint ejus usu aggrava-
tæ, ita ut funesta bibentibus accide-
rint?

Dum hæc & similia tam in loco ipso
quàm ejus vicinia indagamus penes eos
qui nobis visi sunt cordatiores, intel-
leximus :

1. Ab omni retro hominum memo-
ria fuisse hunc fontem à medicinali ef-
ficacia famosum, eoque titulo non loci
tantùm incolis & vicinis; sed & lon-
gioribus regionibus notissimum : hinc
porro ortum ut ejus aqua nomen *Spa-*
dana obtinuerit; ob parilitatem indubi-
tante utrimque virtutis, quæ nec me-
dicos latuit vicinorum locorum : *Ni-*
vellis enim habitat Expertissimus D.
Trico egregiâ laude professionis medicæ

unus exercens, isque testis se à pluribus jam annis potum aquæ marimontensis suadere ut præsens remedium omnibus casibus, quibus passim fuerum fuit aliis, jatriis Spadanas præscribere : providè sanè & utilitati & commodo ægrotorum.

Relatum insuper nobis fuit aquas Marimontenses affatim evehi ad civitates aliquas Gallorum dominio subditas, nec lagenis aut poculis inde peti; sed vasis æquè quàm sunt vinaria capaci-
ous.

Quid moror? Approbatorem illustriorem quis desideret quàm Celsissimum Maximilianum Electorem utriusque Baviaræ Ducem? Solebat is, cum Belgii gubernacula teneret, singulis per annis Marimontium tendere, ut vacatione animum relaxaret & liberiore frueretur : ibidemque expertus quantâ salubritatis conferendæ & reparandæ vi valerent, lagenas hâc aquâ completas atque sollicitè obturatas jubebat Monachium, quæ sedes est Baviaræ Ducum, transportari, cum labor & omnis impensa ipsi vilior esset quàm aliud aquæ pretium.

Inter cetera multa etiam audivimus, eundem Celsissimum Ducem mansisse D. De Neve Medico civitatis Na-

90 *Caput V. De Virtute Medica*
murcensis piæ memoriæ, ut dictarum
aquarum aggrederetur analysim; cujus operationis effectibus nihil aff
qui potuimus præter hoc unum; por
deratis scilicet ambabus Spadanâ & M
rimontensi, hanc agnitam fuisse Sp
danâ leviolem.

2. Quæstioni secundæ responsu
fuit planè consuevisse variis morbis a
fectos hujus fontis remedio confider

3. Ægritudines quibus potissimùm
medeatur, censerî infirmitatem quan
dam ventriculi, eam præsertim cujus
causa imputatur materiæ lentæ, quæ
pituita & visco ducit originem. Fr
quentissimè hoc potu se proluere, q
obstructionibus viscerum, & potiss
mùm abdominis laborant, quibus p
culiariter interclusæ sunt viæ per qu
egeritur urina; qui ructibus & vap
ribus sursùm, ut vocant, ascendenti
bus flatibusque vexantur: sequiore
denique sexum inordinatis catamen
hinc medelam petere.

4. Interrogatione quartâ percepim
supradictis morbis affectis hujus aqu
medicamine plerumque integræ san
tati restitui, sin minùs, quod rarius e
ita saltem recreari, ut gravissimi ant
dolores si non sublatis, leves tamen p
stea sic videantur ut penè conquerier

igeat. Prolatumque exemplum vicini loco cujusdam reverendi pastoris, qui um ætate provectâ calculo & nephriticis doloribus miserè angeretur, hâc medelâ sublevatus est, adeo ut vetere incommodo se fermè penitus immunem esse fateatur : de quibus plura in sequentibus.

5. Quæsito quinto non didicimus ex illo cui propositum fuit, sinistros effectus cuiquam accidisse, ne iis quidem qui copiosius hunc potum haurire non iment.

At non ego hisce omnino contentus, post nostrum Marimontio discessum, plurimam operam impendi, ut de aquæ istius medicinali efficacia ejusque effectibus certiora, quàm fieri potest, assequerer.

Nec inutiliter perquisivi, D. *Trico* supra laudatus & D. *Delval* qui annuo stipendio oppidi Lutofani honoratur, oriundus idem Marimontio, ubi aliquot annis professionem suam exercuit, ibidemque virtutes fontis expertus : hi inquam, ambo faventes curioso mihi desiderio per litteras mecum communicarunt humanissimè observationes, quas vel ipsi fecerunt vel ab aliis factas fidei relatu acceperunt, & quidquid illis hætenus potuit innotescere de fon-

92 *Caput V. De Virtute Medicatis & aquæ ejus medicamentosis virib effectibus, qualitatibus &c.*

Interim forsan magis juverit epistolas ipsas loquentes audire. Sic autem mihi D. *Delval* : "patrocinium aquarum Marimontensium semper suscepì, ex quo ab annis septemdecim D. *Brignet* Medicus celebris me ipsarum virtutem edocuit, quam reaper effectibus & experimentis felicique successu pariter comprobavi."

Refert quoque in iisdem litteris, quondam hac de re contulisse per epistolam cum D. *Lucq* Medico Binchierensi, qui sex annis octogenario major est, cujus responsum accepit 9. Decembris 1739. tale :

"Qualitas aquarum quæ prope Marimontium fluunt omnino martialis est, suntque gravidatæ sale admodum volatili, alvum valde mollientes, ad cienda excreta faciles..... Has ego pluribus personis præscripsi cacochymicis & obesis, tam caractere illustribus, quàm è vulgo promeritis, cuius, qui eas ipso in loco potitârunt, & aliò etiam deportârunt, eventum animadverti felicissimo : sanè connuant & modò dictæ aquæ eosdem effectus operari."

D. *Delval* iisdem in litteris hæc frequentia jungit :

Excidit penè mihi indicare ex traditione majorum meorum ad me usque manare, scilicet, in loco qui vocatur *à la Hesse*, venam quamdam esse ferri metallicam, à qua creditur ruginem fontis Marimontensis ruginem ducere.,

D. verò *Tricô* sequentes mecum communicavit observationes, quibus patet quod & quibus morbis fons Marimontensis mederi valeat.

Uxorem & fratrem meum ab aquis Spadanis ad Marimontenses impulsi. Has leviores quam illas, facilius permeantes, alvumque magis emollientes comperiunt. Reliquos utriusque speciei effectus vix distinxeris. Cæterùm hæc aquarum commutatione mirificè recreantur & sublevantur.

Hoc exemplum meo hortatu secuta est Domina quædam Canonica, summo languori præ nimio mœnore ex sororis obitu dedita, cibos fastidians, & maximè debilitata, cum aliis Symptomatibus immodicæ mæstitiæ indicibus, sanguinisque abundantiae rheumatismum scorbuticum ut plurimum conciliantis. Magnum quidem ei levamen aquæ Spadanæ attulerunt; sed Marimontenses maxi-

„mum : siquidem mox fugato cum
 „mœrore cibi fastidio reviviscit Cano-
 „nica, & exultans periculo à se facto
 „glorietur.

„Idem fecit Domina quædam mag-
 „no natu morbo scorbuto obnoxia
 „obstructione jecinoris identidem mo-
 „tus spasmodicos inducente, qui sto-
 „machum concutientes nauseam ple-
 „rumque cient & tormina. Hinc bi-
 „lis exundatio, color ictericus, debi-
 „litas, fastidium, &c. Aquis nostra-
 „tibus usa per octo dies vetula, quæ
 „primævo juventutis flori reddita est
 „quippe orexi, hilaritate, vigore re-
 „stituta, omnique ægritudine exulan-
 „te reviruit : verum vix diebus de-
 „cem elapsis epiphoram sibi accersivi-
 „mulier. Quo factum est ut, inter-
 „misso potu salutifero, in pristina mal-
 „reciderit. Epiphoram meritò detesta-
 „tur misera, ut quæ valetudinis re-
 „parationi certo certius officiat.

„Innuptæ cuidam quinquagenaria
 „his quoque aquis succurri ; cujus
 „cum ingravesceret venter, pauci-
 „post diebus turgescere hemorroides
 „sed datis ei pilulis diaphoreticis, de-
 „tumescente easdem apparuit : itaque
 „aquis facillimè perfluentibus, orexi-
 „que redintegrata, ventris gravitate
 „depulsa, planè convaluit.

Nec aquas nostras recusavit ejusdem ætatis altera hæmoptisi laborans, tum suppressione fluxûs menstrui, tum adjuncta, magna imbecillitas, fastidium, insomnia, &c. sed potu Marimontensi omnia illa incommoda confestim in melius conversa sunt, grotansque constantissimæ sanitati restituta.

Eodem modo pluribus aliis fui subsidio, qui, cum debili essent stomacho, unde cibi fastidium, phlegma, crumonia, cruditas, &c. fontem nostrum, ut omnia inordinata corripientem, prædicarunt.

Nemo est, qui has Spadanis non præferat, tum ob rapidiorem earum effusionem, tum faciliorem alvi ductionem.

Complures Marimontium advenientes incescit cupido aliquot fontis patrii sciphos hauriendi. Hauriunt: et ecce, ut sciphi, sic alvus mirum in modum evacuatur: quo onere advenæ levati summo beneficam scauriginem repetendi flagrant desiderio.

Plura hac de re observassem, si per vicem instantem aëremque frigidum licuisset. Qua cæli inclementia hominum ad aquas concursus inter-

„missus est, negataque exportatio
 „opportunitas. Adhæc plures alii
 „mihi eas suadenti parùm confidentes
 „timuerunt ne suo periculo novæ
 „aquas experirentur. At eorum inan
 „est timor : nam tantum abest ut for
 „ille cuiquam noceat, ut qui vel pau
 „cissimis diebus ejus aquas biberunt
 „insolitam in se excitari orexin senser
 „rint. Hæc, qua possum fide & pro
 „bitate, assero, paratus omnium à me
 „commemoratorum fidem facere po
 „testes Aquas Marimontenses exper
 „tos. „

Virtutem Medicamentosam Aquæ
 Marimontensis egregiè confirmant hi
 storiæ plurimorum ægrotorum, qui
 remedio Aquæ Marimontensis, suble
 vati ac sanati sunt ; relatæ ab incolis
 Marimontensi fide dignissimo.

1. Dominus *Joannes Samain* Mar
 montii Cappellanus Regius, ob stom
 chi debilitatem dictis aquis usus, fi
 mæ sanitati est restitutus.

2. Domina *Anna Joseph Du Cœur*
 Monialis in Cœnobio vulgò *de l'Or
 live*, etiam ad hunc fontem confuga
 ob inflammationem jecinoris pustula
 (ut censebant Medici) cui adjunctum
 cibi fastidium, febricula lenta languo
 rem pariens : quo morbo implici
 novissim

ovissimè Dominum *Tricot* Nivellis Medicum convenit. Hic, licet morum Monialis propè deploratum videret, aquas primùm Spadanas ei injunxit : sed ubi Monialis reclamatione Aquas Marimontenses vice Spadanarum potari, Medico ipso adhortante diebus 1. ad hunc fontem conversa, omnem gritudinem dispulit.

3. Domina *Leopolda Moustier* in eodem Cœnobio vocis quassæ, faciei que ustulosæ incommodum eodem potu gavavit.

4. Dominus *Biseau d'Auteville* Monibus degens calculi dolores pari remedio prorsus repressit.

5. *Martinus Castelain* habitans in pago *la Haist* dysenteria laborans bis ex eo fonte bibit, & sanitatem invenit.

6. *Augustinus Du Bois* in Abbazia *Maroille* Monachus, adeo deficiens stomacho ut obeundo officio neuti- quam sufficeret, à Medico ad has aquas compulsus pristinam valetudinem recuperavit.

7. *Margarita Binne* degens in pago *la Haist* infausto puerperio, & dysenteria conflictata, pari modo planè convaluit.

8. Domina *Proper Marchipontana*,

Marimontium, ut cæteri, confugit
& ex Dyspepsia sanata rediit.

9. Quædam, hujus fontis ope, menses justo diutius commorantes acceleravit.

Hisce visum fuit superaddere testimonium nobilis cujusdam Domina quæ habitat in Castello, quod distat Marimontibus intervallo semi leucæ.

” Ego *Maria Carolina de Franeau*
 „ Illustri genere, Domina *du Fait*
 „ &c. omnibus, quorum interest, f
 „ dem facio me decem circiter anno
 „ cibi fastidio, phlegmatis colluvie
 „ stomachi debilitatione eò usque fuisse
 „ attritam ut subinde ad pulvisculum
 „ aureum viribus reficiendis fuerim
 „ redacta. Deinde ad experimentum
 „ fontis Marimontensis à Medicis in
 „ ducta, illius aquis ita sum refocillat
 „ ut continuo per aliquot annos salut
 „ feræ scaturiginis potu orexis mihi
 „ valetudoque felicissimè redintegrat
 „ sit. Quorum in fidem has Chirogra
 „ pho, insigniumque meorum sigilla
 „ munivi. „ Ex Castro de l’Escaille
 8. Novembris 1740. Hinc erat signat
 tum : *C. Franeau De Gognies*, illinc si
 gillum appositum.

Coronidem imponit Epistola Domini Pastoris, cujus memini pag. 91 scripta D. *Trico*.

Expertissime Domine,

"Tuam heri recepi Epistolam, quâ ne honorasti scriptam duodecimâ huius mensis, simulque respondeo, ut tibi indicem non esse minùs salutare laborantibus calculo Aquas Marimontenses quàm sunt ipsæ Spadanæ. Huic malo ut mederer, eas bibi duobus tribusve annis. Elapsi jam sunt anni sex aut septem ex quo intolerabilis me dolor torquebat in sinistro rene, nec potis eram urinam exellere, isque erat quinque aut sex horis continuus. Favente mitiore tempestate anni, consilii causâ adii Dominum *Lucq* Patrem Medicum Linchiensem; suavit ille mihi ut aquis istis uterer: feci quod suavit, idque annis pluribus sequentibus, magnum inde expertus jam levamen, nullo ampliùs dolore dicti femoris affectus: quædam tamen adhærent mihi reliquiæ mali, genus scilicet aliquod stranguriæ; sed hæc collata cum cruciatu, quem antea sentiebam, antequam bibissem Aquas Marimontenses tam modò levis est, ut ne umbram quidam præcedentis incommodi attingat. Tibi certè notius est quam mihi, morbos huiusmodi rarò velli radicitus. Moniales Cœnobii

„*Olive* aquas istas pluribus annis po
 „tarunt ; quod tibi scitu facilè e
 „Quod me attinet bibi Spadanas
 „Marimontenses ambas ipso in loc
 „eundem utrimque observavi sap
 „rem, ambæ magnam incitant orexi
 „firmiterque credo ambas paris esse
 „ficaciæ. Abhinc septem aut octo
 „nis cum Namurci essem apud Dor
 „num *De Neve* Medicum Regionis
 „asseruit ille mihi se, jussu Celsiss
 „*Bavaria Ducis* tunc Belgium G
 „bernantis, instituisse analysim aqu
 „rum Marimontensium, atque obs
 „vasse illas duobus granis esse lev
 „res aquis Spadanis. Ita tibi affirm
 „si mihi fides est. Habes quidquid
 „Aquis Marimontensibus mihi co
 „stat. Exopto ardentem ut suscepto
 „veat successus, pro divitum desic
 „rio ; & pauperum solamine, &c
 Signatum erat hac 15. Octob. 174
Comblein Pastor Sacelli Herlaymont.

Atque hæc existimavi pro hac pr
 lusione posse sufficere, sperans for
 ut postmodo dum concursus ad h
 aquas frequentior erit, illarumque p
 tus providorum Medicorum consil
 dirigendus præscribetur, observati
 nibus, bono publico quandoque loc
 pletetur, earumque egregiam utilitate
 palam omnibus demonstrarem.

Interim conferendo ea, quæ hæcenus
observando innotuerunt de aquæ hujus
excellenti vi medica ac morbos curan-
ti efficacia, cum iis quæ docui de ejus-
dem qualitatibus indubitatis, elemen-
tis contentisque certis, concludo asse-
rendo aquas hæc in sequentibus po-
tissimum convenire morbis.

A. In ventriculi imprimis debilita-
te, fibrarum ejusdem atonia; atque
inc nato appetitu dejecto, vomitu;
diarrhæa orta, ut vocant, ab intesti-
norum lævitate, & peculiariter in cru-
ritate acidâ; ubi flatibus, ructibus &c.
vis molestat.

B. In obstructionibus, ut vocant, Me-
nterii, Lienis, Hepatis: proinde præ-
stantissimum esse remedium pro Hæ-
morroïdariis & Hypochondriacis,
melancolicis, Hystericisque; uno ver-
o in morbis omnibus, quos veteres
& recentiores quidam, primi etiam sub-
limi Medici, deducunt ab atra bile.

Constantis observationis est, Hypo-
chondriacos fieri Hæmorroïdarios, &
potissimum hosce frequenter fieri Hypo-
chondriacos, & potissimum si minùs
succedat qui solitus erat Hæmorroï-
um fluxus.

Nec mirum, consistit siquidem ma-
ximè Hypochondriacum in ventriculi

& intestinorum teneritudine quadam
& ad spasmos motusque anomalos pro-
nitate sanguinisque difficili per vena-
portæ circulo : unde hic stagnat cir-
viscera abdominis & spissus, crassus
inerisque evadit.

Plurimum igitur illis emolumentum
erunt hæ aquæ, quæ & ventriculi
intestinorum tonum restituunt, ac re-
ceptæ pendulis ventriculi & intestinorum
venosis villis sanguinem in ve-
portæ spissum diluunt, vasisque ip-
sorum robur suum reddunt.

Per memoratos verò villos venosorum
ex intestinorum cavitate resorberi liquorem
da non tantum colligitur ex eo, quod
si in Portarum venam injiciatur materia
ceracea, ea per patulos illos villi
effundatur in cavitatem ventriculi & in-
testinorum ; sed & probatur ex eo
quod si, canis aperto abdomine, ejus ven-
triculo & intestinis tepida infundatur
aqua, leni memoratarum partium pro-
fusione aqua illa adigatur in ramos ven-
portæ, imo patienter insistendo tam-
dem per ipsum Hepar pergat in vena-
cavam, hincque in Cor &c. Tanta quæ-
dam in copia, ut vasa illa eluat ab omni
ni sanguine.

Non igitur immerito statui ab aqua
fontis Marimontensis ingestis mo-

ventriculi & intestinorum peristaltico per venosos villos in venas gastricas & meseraicas propulsis, spissum venæ portæ sanguinem dilui, infarctus eorumdem vasorum & ipsius Hepatis tolli, tantò quidem certius, quòd dum leves hæ & æthere fætæ aquæ sanguini fluorem conciliant, ipsis vasis tonum restituant eademque invigorent.

Etiam si hanc digressionem Theoreticam fortè nonnulli sint lecturi cum impatientia, solum inhiantes iis, quæ ad faciendam Medicinam instruunt; ideo tamen non fuit omittenda, cum certè grata, jucunda & utilis sit futura iis, qui rerum cupiunt cognoscere causas. Sed redeat unde digressa est oratio.

C. Nullus etiam dubio locus est, quin mederi valeant capitis affectionibus morboſis, ut ejus dolori, gravitati, vertigini & similibus, sed potissimum iis, quæ per consensum primarum viarum oriuntur.

D. Præ ceteris conveniunt in morbis dependentibus à spissitudine humorum pituitosa, glutinosa ac mucosa, à partium solidarum atonia, & ubi sanguis debitam amisit consistentiam.

Hinc prodest hoc remedium in catarrachochemia, Cachexia. Inservit Catameniorum anomaliis vitiisque corri-

gendis : efficax imprimis adferet auxilium in fluore albo, in Uteris frigido & nimium humidis, quos *Hippocrates* & *Galenistæ* accusabant ut sterilitatis causas frequentissimas; in quibus non solum potæ, sed eodem tempore perimetrenchytam injectæ mirabilia præstabunt.

E. Maximæ sunt efficacix in morbis renum ac vesicæ, ut calculosis concretionibus aut sabulosis ac pituitosis congestionibus. Uno verbo aptæ natæ sunt eluere ac mundificare vias omnes & singulas urinarias, dolores harum partium lenire si non omnino extinguere.

D. Nec est dubitandum quin, ut ceteræ Acidulæ, vermibus sint quoque insensæ.

Qui plura desiderat circa vires Aquæ Marimontensis consulat authores qui exponunt morbos, in quibus Acidulæ potissimum conveniunt, ut inter alios *Ab Heers* in *Spadacrene & observationibus ejusdem oppidò raris*.

Ut enim dicam quod res est : in omnibus morbis, in quibus conducunt Spadanæ, & in iisdem conferent quæ Marimontenses. Et quidem ita ut à potu harum funesti vix umquam timendi sint effectus. Etiam si eni imprægnatæ quoque sint æthere

subtilissimo elemento, uti & spiritu Sulphureo maximè volatili, neutiquàm continent *Gas* illud *Vaporiferum Helmontii*, ob cujus copiam fontes quidam Soterii maxima cum cautela bibi debent.

Cave tamen ne inferas : secundum nostra hîc dicta Aquam Marimontensem in quibusvis convenire morbis, & innoxie ab omnibus posse assumi. Dissuadeo imprimis ne sese conferant Marimontium ii, in quibus vires nimium quantum jam dejectæ sunt; tonus omnis ventriculi & viscerum abolitus; quorum in ventriculo & intestinis nervorum est nuditas, & hinc partium harum summa teneritudo ac sensibilitas.

Cavebo quoque potum harum aquarum præscribere iis, in quibus aquæ transmeare nequeunt : uti quibus inveteratæ sunt schirrosæ concrescientiæ in mesenterio aut hepate, ut vasa meseraica vix concedant transitum : aut quibus ex aquæ usu imminet periculum ne rumpatur Hepar. Omnibus denique iis quibus viscus aliquod jam corruptum est.

Nec permittam facile iis potum lymphæ Marimontensis, quibus serosus corporis latex alibi extravasatus est aut infarcit partes.

Nec concedam quoque iis qui phthiſi detinentur confirmata; apoplexia laborarunt ſeroſa, vel ubi vaſa cerebri funt debiliora.

Et denique cautè mercandum eſt cum aquis hiſce, in affectionibus viarum, per quas ſe & excernitur urina, ne, quandoque movendo calculos ſiliceos majores, horrenda excitentur ſymptomata

C A P U T V I.

Modus ſalutariter Aquis utendi præſcribitur.

ETiamſi conſtet experienciâ aquarum, de quibus hîc agitur, magnam quoque copiam plerumque innoxie potitari, cum tamen omnibus in rebus modus & utendarum prudenter ſcienda ſit Methodus, prima Regula eſto eaque momentofa; ut nemo quæpiam ægitudine laborans eas pro arbitrio ſuo tamquam remedium ſibi præſcribat, niſi priùs advocato, ad conſilium medico probè experto, qui earum naturam perſpectam habeat, ſimulque modum quo effectus proprios operantur; ut horum collatione factâ cum ægri ipſius conſtitutione, ſecurum feratur iudicium, an cupienti eas bi-

bere earum usus sit suadendus aut permittendus, aut econtrario vitandus.

Secunda. Si censeat Medicus utiliter harum potum infirmo suaderi posse, alterum horum dispiciendum occurrit, an in loco ipso recens è fonte haustæ bibendæ sint; an verò sufficiat in lagenis accuratè obturatis translatas conservari, ut debito aptoque tempore usui & medelæ serviant. Dubitare enim non licet, quin plurimum inter se differant ex ipso fonte illico manantes ibidemque haustæ, quantum ad medicinalem virtutem attinet, & aliò translatae alibi epotandæ.

Cur non etiam dicam aërem circumvagum & fonti vicinum partes suas hic agere? Si verum est quod vulgatur, quondam transvectam fuisse Bruxellas aquam Dilæ Lovaniensis, simul & polentam necessariam, adhibitosque operarios industrios Lovanienses, nec tamen, observatâ omni methodo sui hîc opificii, potuisse confici cervisiam, quæ supposititia palato imponeret, ut vel tantillum nostras videretur. Diverso fanè aëri imputandum tanti sumptûs & laboris irritos fuisse conatus.

Ad rem nostram pergo, edoctus experimentô aquas Marimontenses ve-

loci evaporatione amittere spiritum suum volatilem sulphureum, quo imbutæ ex scaturigine profiliunt. Nisi itaque in loco quo effluunt, & veluti ex ipsius fontis papilla hauriantur, certum est mihi eas protinus destitutum æthereo suo tamque desiderato elemento : & volatile illud quod continebant vitriolum in auras disperso acido isto volatili perire, eoque avolante superstites in aquis manere tantum ferrugineas aut ferreas particulas, terreasque absorbentes cùm permistis salinis.

Sal denique quod in terræ visceribus erat spectans ad Alkali, in aqua diutius reside procul ab indole nativa degenerat, induitque naturam salis cujusdam alterius, quod chymici neutrorum classi annumerant.

Tertia. Sit igitur has aquas longè præstantes esse multis artis remediis mirificarumque virium, ubi recens positionis causâ hauriuntur. At at, nolim hinc deduci consequens illas evanidas eousque fieri, cum diu residunt, ut sint inutiles ad usum medicinæ : manifestis siquidem probationibus convincitur, aquas Marimontenses translatas in vasis accuratè obturatis pice aut alio tenace glutine, ad longum

etiam tempus vim medicinalem conservare ; soli nam expositæ , aut igni mediocri admotæ copiosas fursum protrudunt bullulas : quod evidens est indicium , illarum vires non omnino deperiisse , cum tunc etiam scateant æreis particulis subtilissimis , quas secum ab origine fontis advexerunt.

His accedit permultas in hac aqua contineri particulas ferreas , item & terreas easque pariter absorbentes & expugnantes acidum , sed & in liquore suo dissolutas & suspensas , quæ sensim dumtaxat & producti temporis morâ subsidunt , modò lagenæ exactè fuerint obstipatæ , nec agitationi caloris expositæ.

Unde concludo hæc aquas etiam aliò deportatas , nulli alteri Ferruginearum viribus cedere ; verùm aptissimas esse operandi quoscumque effectus , quales à Martialibus medicamentis tam in substantia quàm tincturis promittuntur & expectantur.

Atque omnia hæcenus dicta primum sunt Medico scitu necessaria , si ne horum quippe notitia temere prorsus decernet earum usum , cum sæpe locò ipsò scaturiginis oporteat , & quandoque satis superque sit eas alibi potari.

Quarta. Statuerit ergo prudenter Medicus locum usui aquarum aptum, advertat nunc animum dicendis.

Attendat primò non esse conveniens quodcumque tempus ut æger istarum aquarum faciat periculum, proinde ad jatum pertinere curam opportunam indicendi.

2. Observet sedulò, an non sit opus ut præcedentibus aliquibus remediis rectè disponatur, ut salutarem sibi earum potionem experiatur.

3. Circumspectè, quoad poterit, judicium feret super quantitate dicti potus assumenda.

4. Modum & rationem servandam in hac curatione præscribet, potissimum verò circa usum non naturalium rerum, è quibus considerata quibus maximè est victus ratio.

Quod ad primum attinet, aquæ illæ tutius, jucundius, efficaciusque operantur, dum cælo sereno teporatus aër corporibus favet, qualis passim sub finem Maii æstatis est prænuntius: neque fervor solaris impediet quo minus secuturis mensibus, ad dimidium usque Augusti continuetur hujus Medicaminis exercitium. Huc fortè spectat barbarum triviale.

Mensibus in quibus R. cessabis bibere Wasser.

Neque ideo tamen prohibitum veni-
n istius aquæ usum aliis anni tem-
poribus : liceat profectò etiam om-
nibus dummodo necessarium duxerit
medicus, adhibitâ scilicet cautelâ, ut
illicitè ferventur præcepta & regulæ
quædam ejus judicio præscribenda,
quod statûs & circumstantiarum immu-
tatione.

Cum supra dixerim Medico incum-
bere, ut expensâ ægroti constitutio-
nem, prævia aliquando statuatur remedia
quædam corpus languens aptè præ-
stantia, non tantum ut sit uberior
medicatio; verùm insuper
non sit inutilis, si non & quandoque
noxia : ad casus quosdam singulares
ingredior.

Si is itaque, cui profuturæ præscri-
bitur aquæ plethoricus sit, ipsique so-
let aperiri vena, si sit quibusdam Hæ-
morrhagiis obnoxius & concurrat flu-
vus periodicus cum ipso tempore, quò
medium aquarum sibi adhibiturus
est; venæ sectionem differre periculo-
sum, negligere autem nefas est.

Si corporis dispositio hæmorroidum
fluxu affuerit & jam præter solitum
minus evacuentur; suaserim ut ante
potius usum hircines applicari curet.
Si autem judicetur primas vias ob-

fitas cruditate, aut alvi tensæ descensum obstipatum esse, præcedant portionem purgationes, sed non drasticæ aut violenter protrudentes; verum tales quæ emolliendo laxant magis quam stimulant.

Proinde pilulas ex Aloe confectas aut in quibus illa dominatur, & quæcumque similis Pharmacopœiæ circulatoriæ, cautè mercari oportet, à quibus sibi præsertim caveant qui hæmorrhoidibus laborant.

Sunt qui bolos & pilulas quasdam ceteris præferunt seu aptiores: me repugno, illisque commendatas habere velim pilulas Balsamicas *Sthalii Hoffmanni*, & similes compositas secundum descriptionem *Becheri*; quibus quidem mixta est Aloë, sed quantitate tam modica, ut numerum quinque vel ad summum sex granorum non excedat, nunquam quæcumque præscribatu dosis: hæ autem convenientissimum sumentur vesperi pridie ejus diei quando incipiet quis bibere aquas.

Equidem si quis me consulat, dicam quod sentio, antefero pilulis quibuscumque decoctum aliquod leniter dissolvens, sine torminibus laxans cur Manna vel Cassia; vel etiam auctore ero ut primo die, quo aliquis inchoat

bit istius potûs uti remedio, dissolvat pro haustu in vitro primo *sal epton*, aut *sal Bohemicum Zedlicense*, vel *sal Polychrestum Vignette*, *Arcanum duplicatum*, aut denique *sal Glauberi*.

Purgantia hæc omnia; sed non omnibus omnia suadeat medicus; sed diversa diversis, habitâ scilicet ratione personarum & diversæ earum constitutionis. Pilulas igitur commendet, ut medeantur cruditati glutinosæ, pituitosæ, ac inertię fibrarum stomachi: alia verò contra nimium ardorem, qui intrinsecus cruditatem latere per nidorem primarum viarum manifestat.

Ubi acida cruditas in corpore ceteris prævalet, detur usui *Magnesia alba*.

Si sequior corporis status oriatur ex cujusdam quasi feri colluviæ *Manna* & *Cassia* præsentissimum mihi censentur remedium.

Progredior ad modum servandum bibentibus has aquas mensibus prædictis, determinando horas & quantitatem potûs seu licitam seu necessariam.

Cum quidquid seriò faciendum est, erme est unicè faciendum, hoc sane dum agitur de usu Medicaminum attendendum est maximè, ne animus occupatus negotiis externis impedi-

mento fiat internarum functionum quæ tunc præsertim sunt machinæ corporis necessariae. Exulet igitur hinc non tantum omnis atra cura, sed & oeconomica, & quaecumque alia etiam nomine delectabilis officii gaudens neque studia hîc excipio, non dicam exotica, qui jucunda audeo vetare si modò animum nimio opere rapiant. Ceterum sit ille hilaris non effusione stolidâ lætitiæ, sed tranquillitate sue contentus, ceu cum placidum ventum stat mare.

Tali dispositione præviâ utilissimum bibentur aquæ primo manè, sed observato simul calore tempestatis quæ tunc fuerit, ut vel seriùs vel citiùs poterint. Etenim si æstus continuus totis diebus ferveat, paulo post solis ortum commodè haurientur, sin autem temperatior sit aura, differatur potus ad usque septimam vel octavam quandoque matutinam.

Jejunis porrò bibendum est. Equamvis expertis constet se plurimùm illarum largo hauustu recreari post crapulam & ingluviem præcedentem quando edormiscere nequierunt; attamen necessarium judico, ut vacuo aut saltem non facto stomacho ingerantur.

Quantitas verò non omnibus æqua-

iter limitari potest. A quatuor uncii-
s licet gradatim usque ad octo, sed non
ultra, procedere. Hic se ipsum quis-
que consulat; ætas, constitutio, con-
suetudo, vires personæ figant mensu-
ram : quis enim eandem præscribat
ventri capaci helluonis & tenero deli-
catoque corpori ? Cum huic forsitan
res uncia sufficere possint simplici vi-
ne, illi autem integræ octo liberaliter
int glutindæ.

Potioni succedat lenis & citra sudo-
rem obambulatio. Post septem aut
octo horæ minuta resumatur eadem
potus copia, quam rursus excipiat am-
bulatio; adjuncto socio compotore aut
amico congerrone, qui eam reddat ju-
vendiorem. Hic potus & exercitium
ternatim sic continuetur, donec quis-
que satis pro capacitate sua vim sibi
non inferens hauserit; idque finiatur
intra tres horæ quadrantes nec ultra
horam protendatur.

Hinc intelligitur capaciores scyphos
potandos fore iis, quibus major aqua-
rum copia necessaria est, nisi malint in
vires vices bibendi quantitatem sibi
congruam partiri.

Fieri non potest, quod ante dixi,
generaliter cuique debita quantitas
finiatur. Attendi potissimum oportet.

tet quantum ægri stomachus commodè sine fastidio valeat recipere. Hoc equidem certum est, competentem illam esse personis quantitatem, quæ corpus non aggravat; sed econtrariò levius ac vividius reddere videtur.

Ceterùm nisi æger idoneus sit, ut hujus aquæ libras quatuor epotet in dies, nullum illi successum fore auguror; sunt enim quibus sex quin & plures libræ prodesse tandem cœperunt.

Æger jejunos perduret donec evacuarit aquas eâ copiâ quâ solent salubriter & naturaliter excerni, sive per vias urinæ sive per alvi ductionem, quod quidem rariùs solet contingere.

Prandio stabilem horam non figo; quamvis dici possit ordinarium tempus illi destinatum esse post quatuor vel quinque horas à cessionem potûs: eo namque intervallo solent omnino aquæ excerni: id conjicere licet non tantùm à comparata excretarum quantitate cum copia ebibitarum; sed ab indicio certiore, dum videlicet urina citrini coloris profluit, coctionis absolutæ, ut cum veteribus loquimur, signa proferens.

Libèrum estò horam prandii antevertere iis, qui primo manè gnavi potarunt, qui serius venerunt præstolen-

tur elabi tempus quatuor aut quinque, ut dixi, horarum, nisi fortè solito citius aquis se exonerarint.

Indulgendum est iis, quos stimulat fames, quique inanitatem ventris difficulter admodum tolerant, ut levi jentaculo compescant hiantem, quod suppleri potest sorbitione ordinariâ Chocolatæ, quam fortassis mavolent qui illi assueverint.

Illis autem quibus potio adeo lentè per vesicam colat, ut tantum post meridiem urinam excernant, licet horâ consuetâ prandere, aut etiam dum uraserit appetitus.

Quamvis saluberrimæ sint hæ aquæ, nemo tamen sibi fingat eas quocumque modo bibi impunè, nec earum effectum frustrari posse. Optimarum utique rerum facilis est abusio. Prima itaque sit sobrietatis cura, quæ, ut sit semper sanctæ Hygiæ conservatrix, hîc maximè individua debet jungi comes experturis hunc potum; alioquin non spe tantùm sua fraudandis, sed exposituris se evidentissimo periculo, unde ingravescat ægritudo, atque insuper novæ irruant malum malo accumulantes.

Neque sobrietas dumtaxat hîc colenda, verùm observanda est alimentorum

qualitas; ut nempe sint bono succo nutritientia & facilia digestu, quæ stomachum non onerent, nec flatibus distendant: generaliter convenientissima judico quæcumque acorem expugnant, iis maximè quibus imbecillus est ventriculus, aut in quibus apparent indicia cruditatis acidæ primas vias obfidentis.

Veto planè aromatibus condiri edulia, aut lardo cibos ullos infarciri.

Exulent hinc igitur Doctores coquicupèdiarum artifices, insatiabilis ventris popæ, gulonum palpones, qui nunc etiam editis libris audent se in Bibliothecas ingerere ceu metamorphosis ciborum scientiis annumeranda foret. At ne indignatio me longiùs evagari sinat, summam dico: alimenta nostra quo simpliciore modo sunt parata & parabilia, eò quoque esse salubriora. Profectò convivìa Heroum in Homero tribus constant, pane, carne tosta & vino. Quò nos deducimus?

Tantum ævi longinqua valet mutare vetustas.

Amoveatur ergo ciborum copia & varietas, ne comestatione mensa protrahatur, ut sit aquis tempus & facilitas cupitos operandi effectus.

Prandii initium fiat à jure carnis spiss-

fo, neque nimis liquido, cui proinde intrita sit debita panis quantitas lento igne diu maceranda, cum simul adjuncto *Serpyllo*.

Parabilia sint cetera, qualia sunt, caro vitulina, vervecina, bubula; sed tenera, juvenci nempe aut juvencae, pulli, capi, galli indici. Hæc omnia assa, si verò elixa, apponantur sine liquido.

Liceat etiam à venatu suppeditari lepores & cuniculos juniores, perdices, alaudas, & quæ ejusmodi erunt facilis digestionis cibi.

Cane & angue pejus evitetur quidquid suillum est, lardum, petasones, farcimina &c.

Eliminetur pariter quidquid à salitione aut fumo induratum est: his adde cavendos anseres & anates.

Piscariis diebus, si vesci piscibus lubeat, eligantur fluviatiles & saxatiles, perca, lucius, gobio, trutta, similesque, quos fluvius Sabis, rivi vicini aut vivaria abundè satius præbent.

Anguillas, Tineas, Cyprinos, qui vulgo Carpiones dicuntur, invitus permitto, seu magis repudio.

Arceantur item à mensa olera, legumina, hortensia fercula, arborei fructus, forbitiones hordeaceæ vel avena-

ceæ : namque in cruditatem acidam facile convertuntur ; & hæc omnia cum plurimo aëre turgeant ventosa esse oportet flatuſque gignentia.

Omnis generis bellaria ſecundæ menſæ ſuppleat panis candidus bis coctus. Laganis amygdalinis ſacharo conditis, quibuſcumque huiusmodi, auſim dicere puerorum deliciis, quin & aliis ſeminibus ſacharo veſtitis ultima menſa ſalubriter carebit : nec mos qui invaluit me moratur, quemcumque titulum urbanitatis aut decentiæ obtendat : cenſeo enim ſemina hæc quamvis calorem foveant, non minùs frequenter eſſe impedimento digeſtioni quàm videntur illam juvantia ; flatibus ſanè quos diſſipant, alios ſubſtituunt nec pauciores.

De caſeo vel mentionem fieri illicitum eſto.

Inter prandium non bibatur cerviſia ; huic tamen aſſuetis, ſi adeo cupiant, ut ſummum unus aut alter mediocris ſcyphus concedatur : alioquin communis potus ſit vinum, at illud tenue ; generoſius verò plurimâ aquâ dilutum, quam in promptu fons offert intrâ ambitum caſtri ſaliens ; niſi qui medicinalem Marimontenſem vino ſuo miſcere malit : de qua nemo quidpiam ſuſpicetur mali, fruſtra timens ne in-

terrumpatur inde chyli confectio; neque enim vaporiferum est hujus aquæ ullum elementum, veluti supra aliquoties dictum est; ejusque præcipua insuper actio corroborando fibras terminatur: unde liquidò colligitur chyli & sanguinis confectionem ab his aquis adjuvari, dum debitum attritus motum conservant, vel languentem & inertem restaurant.

Inter varia vini genera eveho Burgundicum, quod cum sit generosum, mox admonui ritè temperandum.

Æquum certè pretium, quo ibidem comparatur, ostendit nec copiam ejus deesse. Burgundico substitui potest vinum Montanum, Ayanum aut iis affine.

Quibus propositum erit, hisce aquis stomachum & viscera proluere, ut medeantur vitiatis ductibus urinæ, vino Rhenano utantur, sed vetere & pingui, nisi tamen acidorum cruditate laborent.

Inviolabilem quisque statuatur sibi legem, ut intrà horam, quâ cæpit finiatur prandium, piaculumque sit ultra extendere: sed ambulatio placida cibum excipiat: qui autem post ritè peractas matutinas functiones exspatiari à meridie pigrantur, tempus ii saltem non transigant otiosè sedendo, multo

minùs obdormiscendo, memores trivialis dicti : post mensam stabis vel passus mille meabis.

Horâ unâ aut alterâ elapsâ juverit corpus magis exerceri, vel equitando vel etiam lusu pilæ, globorum aut similis quo membra agitantur, cavendum tamen à sudore.

Hæc ita quisque dicta putet, ut nihilominus ejus arbitrio relinquatur statuerere quàm sibi convenient, habitâ quippe ratione temperationis & consuetudinis vitæ suæ.

Ubi videbitur satis indultum motui corporis, ne lassitudo subeat, poterit lusu tranquilliore chartarum E.gr. sedari, modò exiguum planè sit lucri præmium, ne inquietus spe avida distrahatur animus tristitiæ aut iræ pathematibus, unde rixæ & jurgia concitantur, quæ cùm semper noxia, utentibus equidem hoc aquarum remedio tam fugienda quàm quæ sunt pestilentissima. Honestæ ergo & licitæ dumtaxat recreationes animos potitantiū exhilarent.

Degant etiam omne tempus pomeridianum abstemii : si nimia tamen sitis urgeat, sub horam quartam aut quintam vespertinam sufficiat unum aut alterum vitrum vini, vel aquæ Mari-

montensis ebibisse, & hæc mistim vel seorsim, ut libuerit.

Circa annum 1550. invaluerat *Spa-*
da consuetudo, quâ non matutino tan-
tùm sed & pomeridiano tempore aquæ
illic quantitate & modis iisdem bibe-
bantur; quæ cùm sit nunc abolita, du-
bitari non potest quin abusum expe-
rientia abrogârit plurium damno &
malo comperta.

Pro cæna quædam desidero sed sol-
licitè servandâ. Primò ut sit, quàm
fieri potest, frugalissima: amânderur
hinc omne olus, & quidquid est fru-
ctuum.

Ex his quatuor seligat unusquisque
quod gustui placuerit: vel panem can-
didum bis coctum; vel alium butyro
illitum, vel unum alterumve ovum re-
cens in aqua coctum, vel jusculum car-
nis. Unde satis intelligitur à copioso
potu vini & feris compotationibus esse
abstinendum.

Scio frequenter offerri cænaturis *Spa-*
da Pruna juri suo ad spissitudinem in-
cocta, utique ad coactam alvum emol-
liendum & ciendum: ægerrimè tamen
eò adducar cuiquam isthoc ferculum
suadeam: enimverò cùm Medici fru-
ctus & olera è prandio tolli præcipiant,
non consequenter mihi ratiocinari vi-

dentur, dum cœnantibus permittunt quæ prandentibus vetuerant : sed & pruna ventriculum debilitant, acidifque humoribus dant incrementum.

Alterum quod cœnaturis valde commendo, temporis est ratio, ut scilicet tempestiva sit cœna, sive stabili ut horâ fiat, sed maturâ pariter, ut rursus obambulatione eam possit subsequi, quâ placidè recreetur animus, donec cubitum eatur ingruentibus tenebris : namque à ferotina frigidior aura maximè sibi cavendum esse memores volo Aquarios Marimontenses.

Tali ordine & diætâ servatis leviores è lecto emergent, repetituri oriente sole inchoandum diei exercitium.

Hicce verbum addo. Temperantiam quam præscribo non in victu tantum, sed in voluptatibus venereis multò magis servandum esse edico; utique toto tempore quo potandis aquis vacandum est.

Providè igitur agent conjuges, dum non simul ambo hoc loco medelæ causâ convenient.

Si quis nequiter consilium meum interpretetur,

HONNI SOIT QUI MAL Y PENSE,

CAPUT VII.

Monita observanda harum Aquarum potioribus, simulque proponuntur præsentissima remedia, quibus se muniant adversus incommoda & damnosa Symptomata, in quæ bibentes possent incidere.

SI secundum artis regulas ad aquarum potum æger fuerit dimissus, utensque earum remedio congruas observet diætæ regulas, nec modum excedat abutendo rebus aliis non naturalibus rarò accidet, ut ab earum potu quodpiam patiatur incommodi.

Principio forsân quibusdam non assuetus aquam recipere ventriculus horrescet; sed facili medela tam levi incommodo cum possit occurri, operæ pretium duxi remedium exponere longo certè usu & felici experientia probatum.

Si quærat aliquis cur obvia, vulgaria, facilè parabilia tantùm hîc præscribam, næ illa importuna videtur interrogatio. Consulere omnium salutis; etiam gratis, si possem, studeo. An non fatis ipsi videtur utilia exhiberi remedia, dum constat ea profuisse quàm plurimis? Proinde & post

126 *Cap. VII. Proponuntur quedam*
hac profutura si, dum occasio requi-
ret, consilio meo obsequantur.

Sanè quibuscumque regionibus pro-
vidit clementia Dei obvia medicami-
na, eaque passim efficaciora; quàm ea
quæ ex abstrusæ & arcanæ artis pene-
tralibus petenda quidam ostentant.
Adeò semper verum erit : mundus
vult decipi.

An cuivis etiam contingit adire Co-
rinthum ! ut familiaris rei copia suffi-
ciat alendo comiti Medico. Parcā
itaque iis quibus parcimonia necessaria
est. Magnates autem & opulenti, qui
communia quæque fastidire solent,
eaque tantum æstiment quæ carò emun-
tur, utantur, per me licet, pretiosis-
simis pharmacis, modò de pari succes-
su gratulari sibi possint.

Aqua hæc cum gelida sit, primoque
incommodo solent queri potiores, de-
licati potissimùm, quos nervosa corpo-
ris constitutiō præ aliis reddit sensibi-
les, vel dum frigidior est cæli tempe-
ries : ab hujus nam aquæ potu tam
constringuntur aspero frigore eorum
præcordia, ut tremore, horrore cor-
repti videantur.

Huic malo qui se obnoxios scive-
rint, foras non prodeant nisi pectore
contra frigus sollicitè munito, manti-

lis calidi sibi loricam applicent, luculento se recreent foco : vidi qui catellum sinu foverent. Necessitas & industria inventionum sunt magistræ.

Sed ne catellis sit opus propediem ædificabitur Marimontibus ædes fonti vicina, in qua potorum gratiâ numquam copiosius deerit ignis.

At magis etiam delicati, quibus tam est tener stomachus ut frigidam sibi non sustineat ingeri, seriùs ad potum procedant, aliquot horis post Solis ortum, aut certè pleno incalescente die : quin potius iis suadeo, ut calfacto scypho aquam hauriant protinus ebibituri.

Alii sunt qui flatibus impleti distensione ventriculi molestantur : estque credibile frequenter hoc accidere bibentibus in loco Spadanas, quandoquidem, ut præcaveant vel abigant hoc incommodum, communiter ibidem in ore conterant ac escent unum vel alterum seminum, quæ calida vulgo dicuntur, puta Anisi, Carui, Cumini, &c. alii quidem purorum, alii sacharo incrustatorum. Quidam porrò, iique meo certè iudicio melius, mandunt cortices Malorum Aureorum : opinor enim receptum seminum calidorum usum primò inveterasse in populi credulitate

128 *Caput VII. Proponuntur quædam*
ex veteri philosophia, cui assensus
præbuerint & medici, existimante
symptomata, quæ eveniunt aquæ potu
ribus, accidere ob frigidam ejus tem
perationem, cui se mederi certius non
posse arbitrati sunt quàm adhibend
eâ, quæ essent oppositis qualitatibus
prædita, hinc illud: frigida pugna
bant calidis, humentia siccis. Utcum
que sit, distensiones & dicti ventosi fla
tus primùm arceri commode poterunt
si potores minoribus scyphis utantur
si longior interponatur mora singulis
haustibus; insuper cura sit molliend
alvi.

Interea externo scuto valide stom
achus protegatur emplastro confecto e
gummi Tacamac. Caran. Mastic. &
aut alio ex theriaca cum oleo Mac
expresso.

Tertium incommodum. Potitanti
quandoque conqueruntur coactam a
vum tolerantes à fecibus eousque in
duratis, ut sine continuitate tamquam
glandes ægerrimè extrudantur.

Multimode potest alvi solutioni pro
spici. Huc spectant profutura en
mata aquosa & diluentia, eaque a
summum liceat acui Melle aut salibu
quibusdam, ut *Epson*, *Polycresto*, *N*
tro aut sale communi.

At

At si enemata commodè injici nequeant, suadeo ut in uno vel altero vitro aquæ dissolvantur aliquot unciaë syrupi violarum, flor. Persicorum aut uncia una salis *Epson*, vel salis *Polycræsti* drachmæ duæ, tres, quatuorve, aut salis *Zedlicensis*, salisve glauberi drachmæ duæ, aut totidem *Arcani Duplicati*.

Aliquibus porrò alvus non fluit ob virium defectum ab inertia fibrarum ventriculi & intestinorum, quo fit ut langueat peristalticus eorum motus: tales cubitum ituri glutiant aliquot *Pilulas Bontii*, *Tartar: Scroderi*; *Helvetii*; *Balsam. Hoffman.*: *Sthal*, vel alias similes aut affines illis, quas *Becherus* primus feliciter in usum duxit.

Potores aliud nonnumquam terret incommodum, nempe dum aquas stomacho receptas vix retinent, sed vomitu rejiciunt. Non rarò id observatur primis accidere diebus, at subsequentibus spontè cessare, adeoque hoc in casu non videtur esse opus Medicamentis.

Si tamen malum pertinaciùs duret, dispiciendum est Medico: an vomitus talis provocetur à nimia potûs copia. Huic causæ si non sit imputandus vomitus, inquirat oportet Medicus num

alvus sit libera ; coacta enim sæpe vicissim cogit stomachum ut aquas per os ejiciat : procuranda tunc igitur ejus solutio modis supra præscriptis. Si neutrius harum causarum sit vitium præcedat potum sumendum pauxillum Theriacæ, vel sorbeat æger cochlearia aliquot, ut videbitur sufficere, mixtura ex aqua Menth. cum aliquot guttis Laud.liq. velumat vomituriens sal. Absynthii cum syrupo Acetositis Citri in vitro aquæ Mineralis. Stomacho quoque applicabuntur commodè emplastra de mica panis, vel confecta ex gum. Tacamac. Caran, Mastic. cum pulv. Cinamomi, flor. Balaustiorum & oleis Stillatitiis Menthæ, Caryoph. &c. vel sacculi ex herbis aromaticis & similibus.

Incommodum omnium gravissimum, importunum & maximè potioribus molestum, iis præcipuè qui peregrè domo suâ profecti sunt, utpotè ipsorum intentioni directò contrarium oritur à deluso successu quem ab his aquis sibi sponponderant, dum ab incepto potandi compelliuntur desisteræpius, dum scilicet epotæ aquæ corpus non permeant & neutiquam excernuntur, aut saltem non est æquabilis proportio urinarum cum quantita

te potius qui præcessit ; ita ut evidens sit magnam illius partem alicubi stagnantem hære in visceribus.

Cumque hujus retentionis plures causæ subesse possint, distinguere eas oportet, priusquam de remedio certum quid statuatur. In primis namque viis forsan morantur aquæ, velut in ventriculo, intestinis aut vasis Meseraicis. Forsan ad massam sanguinis delatæ ab ea non secedunt ; cum tunc deberent se insinuare in vasa, quorum ope se- & excernerentur, aliò penetrant, in vasa nempe quæ lympham & serum continent, eosque humores accumulunt, aut etiam sese ingerunt in partium albicantium fibras & poros, & speciatim intra tunicam cellularem.

Indicia hîc dirigent Medicum, ut ebibitas aquas intelligat hære in ventriculo vel intestinis ; quod prodet harum partium & abdominis distentio & inflatio, oneris aut ponderis sensus circa cordis scrobiculum, anxietas, flatus ventosi, borborygmi, alvus denique occlusa.

Ab hoc malo sæpe sæpius expediuntur ægri per vomitum spontaneum, vel etiam arte excitatum iis, quibus facile erumpit veluti per faucium titillationem, digiti in gulam demissionem.

Sed & Enemata plerumque præsens
adferunt levamen.

Protrahantur corporis exercitia, semper tamen citra sudorem & quidem gradatim ac sensim intentiora : vehantur Rhedâ, si ita lubet, at malint ut equum succusatorem conscendant, ut abdominis viscera eo majori motu concutiantur. Hæc inter suum quoque dentes agant negotium, terendo semina Anisi, Fœniculi, Cumini pratensis.

Si alvus sit obstinatiores clausa, uno alterove die intermittatur potus, ac sumatur *Manna* vel *Cassia* ; aut in aqua primo vitro dissolvatur *sal Epsom*, aut *Polychrest*, vel *Arcanum duplicatum* vel simile.

Difficilioris moliminis res est si aquæ hæreant in vasis meseraicis. Indubitatum nempe est, à venosis ventriculi & intestinorum villis resumî ingestarum aquarum portionem notabilem promovendam in venam portæ & hinc trans Hepar in Cavam. Si itaque venæ istæ suum tonum amiserint, aut laxum sit Hepar aut spasticè contracta sint ejus vasa, aut Hepar ipsum schirro induratum, vel quovis modo sit obstructum, ita ut aquæ in venâ portæ hæreant, timendum est ne inde diffundantur in

cavum abdominis & definant, ut pronum est, in Hydropem Ascitem.

Plurimum igitur ægrorum interest, ut Medicus, priusquam aquarum potum ægris suadeat, interiorit dictarum partium constitutionem, ut tuto judicet, num si æger biberit aquas, illæ vicissim per easdem partes facili sibi sint aperturæ transitum, an è contrario ibidem interceptæ damno ægroti sint hæsuræ.

Notentur autem hæc mali ominis signa, respiratio difficilis, elatio dextri hypochondrii, plenitatis & distentionis in abdomine sensus, dextrum hypochondrium velut pondere oppressum, appetentia cibi fastidio ablata, vomitus, dolor gravans circa regionem hepatis & sumpto alimento invalescens. Merito hîc animadvertitur, quoscumque ægrotos semper dolore affici circa scrobiculum cordis, dum in eorum Hepate cespitat motus progressionis sanguinis. Suadendum hoc in casu mihi videtur, ut aquæ potus omittatur, vel saltem non permittatur nisi ad exiguam usque quantitatem limitatus, tempusque interim à potu vacuum equitationi aut vecturæ sed non nimie tranquillis impendatur. Deinde inter potum sumantur pilulæ

134 *Caput VII. Exponuntur quadam*
quæ oppilationi mederi valeant, quales ex gummi quibusdam, Sapone & sale polycresto. Abdomini & regioni Hepatis applicentur empl. de *Sapone*, de *Cumino*, spleneticum *Fulleri*, ve *Aquapendentis*.

Si verò aqua sanguini mista permaneat, ab eoque non segregetur, aut segregata quidem non subeat vasa se-& excernentia, præsertim ductus & via urinæ; sed ferè omnis influat in vasa quæ spongiosis fibris constant, & poris pervia à lymphæ & sero albiancantia sunt; seu etiam penetret ad partes ipsas quæ à dictis lymphæ & sero albescent, res sanè ardua Medico occurrat, quæ etiam expertissimo negotium faceffat.

Hæc autem signa difficilis opera Medicum advertent. Corporis sui onus ægro molestum, torpor membrorum & lassitudo, ad somnum proclivitas vasorum nimia distentio: ex his, inquam, discet potitatas aquas in sanguinis massa pertinaciter morari.

Hujus mali exordium passim ducitur ab aquis nimium ingurgitatis: diminutione ergo quantitatis incipit Medicus præscribere. Studeat deinde ut per urinas, alvum, sudores, aut corporis habitum quavis ratione expel

latur damnosæ laticis serum. Sollicitâ ergo attentione præviâ, seliget quæ præscribat, seu Cathartica, seu Diuretica, modò Sudatoria ac Diaphoretica. Quòd attinet Cathartica, cupio ut sint ea quæ Hydragoga vocari solent, sed mitia : ad summum concessero *Syrup. de Rhamno Cathartico*.

Cum plurimis modis provocari possit sudor, omnibus hîc præfero corporis exercitium æquabile, & medicamina quæ tantùm exteriori corpori applicantur.

A diureticis nimium stimulantibus maximè cavendum censeo, nisi tamen inertia & vasorum debilitas impedirent effluvium humorum.

Ceterum laudo *Arcanum Tartari*, sive *Tincturam terræ foliatæ Tartari*, vel *tincturam salis tartari* factam cum appropriato acido : & si alvus quoque non nihil movenda sit semen Violarum in emulso.

Hæc eadem utiliter adhibentur, si aquæ in vasis, quibus serum & lymphæ continentur, vel hæreant intrâ substantiam partium quæ fibris constant & poris hiant, vel si effusæ tunicam occupent cellularum. Intemperatum hoc malum cum oculis se prodatur non est cognitu difficile; tunc enim tumor

136 *Caput VII. Exponuntur quedam*
albicans totius corporis habitum deturpat & œdematodes constitutio; tumidæ quidem atque inflatæ apparent illius partes; sed laxas esse tactus arguit: ita ut videatur corpus generalis emphysemate distendi: atque adeo correptum misera illa ægritudine quæ leucophlegmatias hydrops vocatur. Usui itaque adhibeantur remedia, quæ ex pluribus detectis hæctenus per salutarem experientiam comprobata sunt tamquam certissima & felicissima, ut præscriptos morbos averruncent.

Observatur etiam frequentissimè aquas ebibitas in corpore detineri, quia scilicet ductus urinæ, per quos naturaliter solent & debent emanare, obstructos aut saltem minùs liberos inveniunt.

Hujus vitii causæ cum plures distinctæque esse possint, providi & circumspecti Medici judicio opus est, qui non promiscuè proscribat diuretica remedia, quæ multa legerit aut centies in vulgo audiverit urinam movere, sed qui norit causas distinguere suppressæ aut diminutæ effluentia, qui penitus intelligat cujus partis defectu accidat malum, velut renum, ureterum, vesicæ, uretræ &c. qui causam detegat, quæ hanc illamve partem in-

festat. Quæ omnia & singula hîc docere præscripti dissertationis limites neutiquam permittunt.

Sufficit si hîc monuero prudentissimè Medico esse procedendum, ubi suspicio est latentis calculi in viis urinariis : cum enim copiosiore affluentia feri & laticis facilè locò emoveatur calculus ac penetret in vias quas permeare nequit, horrenda ac terrificæ sæpe inducit symptomata, quæ accumulabuntur, si Medicus in arte parum versatus præscribat diuretica propellentia aut quovis modo stimulantia.

Quòd si ergo ab usu aquarum calculus emotus fuerit ex renibus E. g. in ureteres, vel ex vesica in uretram, sine mora adhibeantur quæcumque relaxantia ex Althea, Sem. Lin. Ol. Amydal. dulc. Emulsa, Semicupia, Balnea confecta ex aqua simplici tepida, vel decoctâ cum radicibus & herbis emollientibus tepidè quoque applicata. Quibus nonnumquam conveniet adjungere Trochiscos Alkekengi.

Non miretur Lector, me ad præveniendum & mitigandum symptomata, quæ aquæ potum reddunt quandoque incommodum aut noxium toties monuisse ut parcius bibantur. Quamvis enim non planè negem aquas vel non

138 *Capit VII. Exponuntur quædam*
vel copiosè esse bibendas, providen-
dum tamen ne quid nimis. Si enim
immoderatè ingurgitentur aquæ, non
solùm pondere & mole eas ventriculo
molestas esse sentiet imprudens hel-
luo, verùm cum hîc distentus ultra
modum ventriculus enervetur, appe-
tentia ciborum sequitur extinctio &
iners digestio. Eademque mala sævient
in viscera, intestina & vasa his aquis
inundata & onusta. Renum primò per-
turbabitur tonus, & omnium du-
ctuum & viarum urinæ fiet nuditas
diluto muco &c. Tum fanè ardor uri-
narum, dufuria & stranguria invales-
cent: quodque notat *Masius Mechanic. Med. pag. 72.*, renum labes, cal-
culi & ulcera gravissimè sunt timenda.

Si potator quis incidat in febrem
continuum à potu aquæ abstineat: &
potissimùm si quæ sit suspicio phlogo-
seos minantis vel præsentis; viscum
enim inflammans aquâ non faciliè dis-
solvitur.

Si verò corripitur febre intermit-
tente salutariter sæpe bibit aquam
tempore intermissionis usque ad horas
aliquot ante novi paroxysmi invasio-
nem.

Si fluxus accedant ventris gravibus
doloribus torquentes; vel si menses

aut Hæmorroides quoque largius
fluant, ad tempus saltem omittatur
usus aquarum.

Si ingruat catharrus quis gravior,
ut Rheuma, suadeo ut aquæ non bi-
bantur eo tempore.

Si bibentibus denique aquam acci-
dat Arthritis, potui huic ut valedicant
Author sum.

F I N I S

E L E N C H U S

C A P I T U M.

I. **D**E loco ubi situs est hic fons Mineralis, ac ei vicinis Oppidis Pagisque.

II. Proponitur aquarum fontis Marimontensis per varia experimenta physico-chymica Analysis.

III. Ex toto hoc conatu per consequentiam enodantur earum qualitates, ipsorumque pariter mineralium à quibus gravidantur.

IV. In genesim harum permistionum & modum, quo coadunata profluunt, inquiretur.

V. Hinc exhibentur virtutes jatrica dictarum aquarum, quibusque morbis depellendis singulariter sint utiles & efficaces.

VI. Modus salutariter iis utendi præscribitur.

VII. Monita observanda harum aquarum potoribus, simulque proponuntur præsentissima remedia, quibus se muniant adversus incommoda & damnosa symptomata, in qua bibentes possent incidere.

APPROBATIO CENSORIS.

Quamvis in perscrutandis naturæ Arcanis impensam operam floccifacere passim soleat vulgus; attamen dum ad Artium præsertim Mechanicarum incrementum, seu ad vitam protelandam, fugandasque ægritudines adhibitum studium conspicitur, ex doctis pariter & indoctis Neminem reperire est, quin illud summis extollat laudibus.

Posteriorem hunc scopum, non sine animi oblectamento, observavi in *Dissertatione Medica, de Aquis Mineralibus FONTIS MARI-MONTENSIS*, quam prolusionis ergò edidit *Clarissimus D. Henricus Josephus Rega in Universitate Lovaniensi Medicinæ Doctor & Professor Primarius, Serenissimæ Archiducis Belgii Austriaci Gubernatricis Consiliarius & Archiater*, in qua Auctor Clarissimus, non solum Aquarum è præfato Fonte scaturientium, Analysis præviâ, indolem & qualitates exhibet; sed adductis etiam variis Experimentis & observationibus, earumdem virtutem & efficaciam, quibusve morbis propulsandis præsto esse possint, luculenter ostendit. Undè Dissertationem hanc, quæ, præter memorata, nihil continet, quod Fidei Orthodoxæ aut bonis Moribus adversetur, utiliter prælo committi posse censeo. Dabam Lovanii 24. Decembris 1740.

NAT. DU BOIS, S. T. Doctor
Regens, & Librorum Censor.





patel

